


7



歷代帝王宅京記卷三

崑山顧炎武著

吳縣朱記榮校刊

槐廬叢書

關中一

水錄周秦漢

春秋傳曰昭公四年楚椒舉對靈王曰康有鄴宮之朝

註鄴在始平鄠縣東有靈臺康王于是朝諸侯

詩文王有聲箋曰文王作邑于鄠立宮室

括地志曰豐宮文正宮也在雍州鄠縣東三十五里

詩曰經始靈臺經之營之庶民攻之不日成之經始勿

亟庶民子來王在靈囿鹿鹿攸伏鹿鹿濯濯白鳥嚮嚮

王在靈沼於物魚躍

三輔黃圖靈囿在長安縣西四十二里

孟子曰文王之圃方七十里芻蕘者往焉雉兔者往焉
又曰文王以民力為臺為沼而民歡樂之謂其臺曰
靈臺謂其沼曰靈沼樂其有麋鹿魚鼈

司馬法曰偃伯靈臺答民之休也

淮南子曰文王歸乃為玉門築靈臺

春秋傳曰僖公十五年秦獲晉侯乃舍諸靈臺註在京兆鄠縣

周之括地志曰辟雍靈沼今志無復處惟靈臺孤立

水經注曰豐水北經靈臺西文王又引水為辟雍靈沼

詩正義引鄭元說辟雍及靈臺靈園靈沼皆同處在郊

括地志曰靈臺高二丈周迴百二十步

詩靈臺曰於論鼓鐘於樂辟雍辟雍文王之學傳曰水旋邱如壁曰辟雍

觀者正義曰水旋邱如壁者壁之體圓而內有孔此水亦圓而內有地猶如壁然土之高者曰邱此水內之地未必高于水外正謂水下而地高故以邱言之以水繞邱所以節約觀者令在外而觀也大戴禮曰明堂外水曰璧靡白虎通曰璧者象璧圓以法天靡者壅之以水象教化流行

文王有聲曰鎬京辟雍武王之學

王制曰天子曰辟雍諸侯曰頡宮

史記封禪書曰豐鎬有天子辟池索隱曰即周天子辟池之池正義曰周文

武豐鎬皆置辟雍故秦立祠

三輔黃圖曰文王辟靡在長安西北四十里亦曰璧靡

淮南子曰文王周觀得失徧覽是非堯舜所以昌桀紂

所以亡者皆著于明堂著猶圖也

樂記曰武王克殷祀于明堂而民知孝

詩序曰我將祀文王于明堂也

孝經曰宗祀文王于明堂以配上帝

註曰明堂天子布政之宮也周公祀

上帝于明堂乃尊文王以配之

明堂位曰昔者周公朝諸侯于明堂之位天子負斧依上南鄉而立三公中階之前北面東上諸侯之位阼階之東西面北上諸伯之國西階之西東面北上諸子之國門東北面東上諸男之國門西北面東上九夷之國東門之外西面北上八蠻之國南門之外北面東上六戎之國西門之外北面東上五狄之國北門之外南面東上九采之國應門之外北面東上四塞先代反世告至此周公明堂之制也明堂也者明諸侯之尊卑也武

王崩成王幼弱周公踐天子之位以治天下六年朝諸侯于明堂制禮作樂頒度量而天下大服七年致政于成王

考工記曰周人明堂度九尺之筵東西九筵南北七筵堂崇二筵五室凡室二筵

周書明堂解曰明堂方一百一十二尺高四尺階廣六尺三寸室居中方百尺室中方六十尺戶高八尺廣四尺東應門南庫門西臯門北雉門東方曰青陽南方曰明堂西方曰總章北方曰元堂中央曰太廟左為左个右為右个

大戴禮曰明堂以茅蓋屋上圓下方水曰辟雍赤綴戶

也白綴牖也堂高三尺東西九筵南北七筵九室十二
堂室四戶戶二牖其宮方三百步在近郊三千里或以
爲明堂者文王之廟也周時德澤洽和蒿茂大以爲宮
柱名蒿宮也

白虎通曰明堂上圓下方八窗四闥布政之宮在國之

陽上圓法天下方法地八窗象八風四闥法四時九室

法九州十二坐法十二月三十六戶法三十六兩七十

二牖法七十二風

漢書應劭註作三十六句七十二候

春秋傳曰昭公十二年楚右尹子革對靈王曰王是以

獲沒于祗宮

謂周穆王

竹書紀年曰穆王元年築祗宮于南鄭

九年築春宮

十四年五月作范宮

十五年作重璧臺

詩序曰斯干宣王考室也其詩曰秩秩斯干幽幽南山

長樂劉氏曰南山鎬京之陽終南之山也

漢書劉向傳曰宣王中興更爲儉宮室小寢廟詩人美

之斯干之詩是也

秦

史記年表曰襄公八年始立西時祠白帝

索隱時止也言神之所依

也

本紀曰文公元年居西垂宮

十年初為鄜時索隱曰鄜音敷地名後為縣屬馮翊

封禪書曰秦文公夢黃蛇自天而下屬地其口止于鄜

衍索隱引鄭眾註周禮曰下平日衍文公問史敦敦曰此上帝之徵君

其祠之于是作鄜時用牲郊祭白帝焉自未作鄜時也

而雍旁故有吳陽武時雍東有好時皆廢無祠或曰自

古以雍州積高神明之隩故立時郊上帝諸神祠皆聚

云蓋黃帝時嘗用事雖晚周亦郊焉其語不經見摺紳

者不道索隱引鄭眾註周禮曰摺紳曰薦謂進而置于紳帶之間

年表曰十九年作祠陳寶

封禪書曰作鄜時後九年文公獲若石云于陳倉北阪

城祠之蘇林曰質如石也其神或歲不至或歲數來來

此注在下條

也常以夜光輝若流星從東南來集于祠城則若雄雞

其聲殷云野雞夜雉臣瓚曰殷聲也以一牢祠命曰陳寶正義曰三

秦記云太白山西有陳倉山山上有石雞括地志云陳倉山在岐州陳倉縣南又云寶雞神祠在漢陳倉縣故

城中今陳倉縣東

本紀曰武公元年居平陽封宮正義曰宮在岐州平陽城內

德公元年初居雍城大鄭宮正義曰漢有五時在岐州雍縣南鄜時吳陽上時下

時密時宣公四年作密時正義曰括地志岐州雍縣南七里北時

封禪書曰秦宣公作密時于渭祭青帝

始皇本紀曰康公共恭公居雍高寢桓公居雍大寢景

公居雍高寢躁公居受寢

歷代帝王宅京記卷三 五

年表曰靈公三年作上下時

封禪書曰秦靈公作吳陽上時祭黃帝作下時祭炎帝

索隱曰吳陽地名蓋在岳之南又上云雍旁有故吳陽武時今蓋因武帝時又作上下時以祭黃帝炎帝

櫟陽兩金秦獻公自以為得金瑞故作畦時櫟陽而祠

白帝晉灼曰漢註在隴西西縣人先祠山上下形如種

在隴西也又以上諸時皆在雍獻公徙治櫟陽邊有雨

本紀曰獻公二年城櫟陽州東北百二十里秦獻公所造

志云櫟陽故宮在櫟陽縣北三十五里秦獻公所造

孝公十二年作為咸陽築冀闕徙都之

始皇本紀曰二十六年初并天下收天下兵應劭曰古

兵聚之咸陽銷以為鐘鑠金八十二重各千石置宮庭

中正義曰漢書五行志云二十六年有大人長五丈足

履六尺皆夷狄服凡十二人見于臨洮故銷兵器鑄

天下兵器鑄銅人十二各重二十四萬斤漢世在長樂

宮門漢書郊祀志曰甘露元年夏建章未央長樂宮鐘

簾銅人皆生毛長一寸許時以為美祥魏志董卓傳云

悉椎破銅人十餘枚徙清明門裏魏明帝欲將詣洛載到

卓壞銅人十餘枚徙清明門裏魏明帝欲將詣洛載到

之鄴苻堅又徙入長安而銷之徙天下豪富于咸陽

十二萬戶諸廟及章臺上林皆在渭南秦每破諸侯寫

放其宮室作之咸陽北阪上正義曰今咸陽縣北阪上

門以東至涇渭正義曰雍門在殿屋複道周閣相屬所

得諸侯美人鐘鼓以充入之

二十七年作信宮渭南已更命信宮為極廟象天極索

曰為宮象天極故曰極廟天自極廟道通酈山作甘泉

宮前後殿築甬道自咸陽屬之應劭曰謂於馳道外築牆天子于中行外人不

見甬音勇

三十五年始皇以為咸陽人多先王之宮庭小吾聞周

文王都豐武王都鎬豐鎬之間帝王之都也乃營作朝

宮渭南上林苑中先作前殿阿房正義曰房白郎反括地志云秦阿房宮亦

日阿城在雍州長安縣西北一十四里按宮在上林苑中雍州郭城西南面即阿房宮城東面也師古曰阿近

也以其去咸陽近耳號阿房東西五百步南北五十丈上可以坐萬

人下可以建五丈旗周馳為閣道自殿下宜抵南山表

南山之顛以為闕為複道自阿房渡渭屬之咸陽以象

天極閣道絕漢抵營室也索隱曰天官書云天極紫宮後十七里絕漢抵營室曰閣

道阿房宮未成更欲擇令名名之作宮阿房故天下

謂之阿房宮索隱曰此以影名宮也隱宮徒行者七十

餘萬人正義曰餘刑見于市朝宮刑一百日隱宮于蔭室養之乃可故曰隱宮下蠶室是乃分作

阿房宮或作酈山發北山石棹乃寫蜀荆地材皆至關

中寫輸也計宮三百關外四百餘于是立石東海上胸界

中以為秦東門因徙三萬家酈邑酈屬驪五萬家雲陽皆

復不事十歲

二世元年東行郡縣還至咸陽曰先帝為咸陽朝廷小

故營阿房宮為室堂未就會上崩罷其作者復土酈山

正義曰謂出土為陵既成還復其土故云復土酈山事大畢今釋阿房宮弗就

則是章先帝舉事過也復作阿房宮

水經注曰關中記曰阿房殿在長安西南二十里殿東

西千步南北三百步庭中受十萬人

又曰鎬水逕磁石門西門在阿房前悉以磁石爲之故專其目令四夷朝者有隱甲懷刃人門而脅止以示人故亦曰却胡門也

漢書賈山傳曰起咸陽而西至雍離宮三百鐘鼓帷帳不移而具又爲阿房之殿殿高數十仞東西五里南北于步從車羅騎四馬騫馳旌旗不撓爲宮室之麗至于此使其後世曾不得聚廬而託處焉

漢書地理志曰右扶風雍秦惠公都之有索泉宮孝公

起祈年宮惠公起史記正義祈年宮在岐州城西故城內

在今岐州扶風縣東北

鄠有蒗陽宮秦文王起亦作倍陽漢書東方朔傳長楊

陽卽蒗陽也其音同耳在今鄠縣西南二十五里

陳倉有羽陽宮秦武王起

盤屋有長楊宮有射熊館秦昭王起

好畤有梁山宮始王起史記三十五年幸梁山宮

號有號宮秦宣太后起在今岐州號縣界

美陽有高泉宮秦宣太后起

三輔黃圖曰西垂宮見上

平陽封宮見上

斬年宮秦穆公所造漢志作惠公

橐泉宮皇覽曰秦穆公冢在橐泉宮祈年觀下

步高宮在新豐縣亦名市邱城

步壽宮在新豐縣步高宮西

賁陽宮見上

號宮見上

械陽宮見上

信宮亦曰咸陽宮始皇窮極奢侈築咸陽宮因北阪營

殿端門四達以制紫宮象帝居引渭水貫都以象天漢

橫橋南渡以法牽牛橋廣六丈南北二百八十步六十

八間八百五十柱二百一十二梁橋之南北有隄繳立

石柱水經注曰柱南竦兆立之柱北馮翊

咸陽北至九囷甘泉南至鄠杜東至河西至汧渭之交

則字依類文類聚初學記長安志所引改

東西八百里南北四百里離宮別館彌山跨谷輦道相屬木衣紉繡土被朱紫宮人不移樂不改懸窮年忘歸猶不能徧

朝宮始皇營朝宮于渭南上林苑庭中可受十萬人車行酒騎行炙千人唱萬人和收天下兵聚之咸陽銷以為鐘鐻高三尺鐘小者皆于石也銷鋒鏑以為金人十二以弱天下之人立于宮門坐高三丈銘其後曰黃帝二十六年初兼天下改諸侯為郡縣一法律同度量大人來見臨洮其大五丈足跡六尺銘李斯篆蒙恬書

阿房宮亦曰阿城惠文王造宮未成而亡始皇廣其宮規恢三百餘里閣道通驪山八十餘里表南山之顛以

畢云案在鄠縣為鐘官非宮也
此實誤

為闕絡樊川以為池作阿房前殿以木蘭為梁以磁石
為門

興樂宮秦始皇造

見上

鐘宮在鄠縣東北二十五里始皇收天下兵銷為鐘鑠
此或其處也

蘭池宮史記始皇三十一年為微行咸陽與武士四人

俱夜出逢盜蘭池漢書渭城縣有蘭池宮

正義曰折地志云蘭池

即古之蘭池在咸陽縣界秦記云始皇引渭水為池築
為蓬瀛刻石為鯨長二百丈逢盜之處也李善文選

註咸陽縣東南三十里周氏
陂陂南一里有漢蘭池宮

梁山宮在好畤界古公踰梁山邑于岐下即此

長楊宮在盩厔

見玉

望夷宮在涇陽縣界長平觀道東北臨涇水以望北夷

因為宮名史記二世乃齋于望夷宮

張晏曰宮在長陵西北長平觀道東

故亭處是也

林光宮二世所造從廣各五里在雲陽縣界

雲閣二世所造起雲閣欲與南山齊

咸陽故城在今咸陽東二十里自孝公至二世並都此

馳道按秦始皇本紀曰二十七年治馳道註曰天子道

也蔡邕曰馳道天子所行道也今之中道然漢書賈山

傳曰秦為馳道于天下東極燕齊南極吳楚江湖之上

濱海之觀畢至道廣五十步三丈而樹厚築其外隱以

金椎樹以青松漢令諸侯有制得行馳道中者行旁道

無得行中央三丈不如令沒入其車馬
漢書鄒陽傳曰秦倚曲臺之宮懸衡天下
韓非子曰秦大饑應侯請曰五苑之草著蔬菜橡果棗
粟足以活民請發之

漢書地理志曰秦地于天官東井輿鬼之分壑也其界

自宏農故關以西京兆扶風馮翊北地上郡西河安定
天水隴西南有巴蜀廣漢犍為武都西有金城武威張
掖酒泉敦煌又西南有牂柯越嶲益州皆宜屬焉秦之
先曰柏益出自帝顓頊堯時助禹治水為舜朕虞養育
艸木鳥獸賜姓嬴氏歷夏殷為諸侯至周有造父善馭

此下應接卷四第一葉二十一
行後八世穆公稱伯為文

此條所述為桂宮前殿三行半
上接駘馬宮至鳳閣八條

習馬得華騮綠耳之乘幸于穆王封于趙城故更為趙
氏後有非子為周孝王養馬汧渭之間孝王曰昔伯益
知禽獸子孫不絕迺封為附庸邑之于秦今隴西秦亭
秦谷是也至元孫氏為莊公師古曰氏與是同古字通用破西戎有
其地子襄公時幽王為犬戎所敗平王東西雒邑襄公
將兵救周有功賜受邽鄠之地師古曰邽古岐字列為諸侯

未央宮漸臺西有桂宮中有明光殿皆金珠玉璣為簾
箔西京雜記云武帝為七寶牀雜寶案廁寶屏風列寶
帳設于桂宮時人謂之四寶宮漢書孝哀傳皇后還居

桂宮右桂宮在長安城中未央宮北近桂宮周回十里高帝

時制度草創孝武增修之中有前殿廣五十步珠簾玉
戶如桂宮漢書呂太后崩孝惠皇后廢處北宮又哀帝
崩貶皇太后趙氏為孝成皇后退居北宮
神君來則肅然風生帷帳皆動壽宮北宮有神仙宮壽宮張羽旗設供具以禮神君
紫房復道漢書孔光傳成帝母太皇太后自居長樂
宮帝祖母定陶傅太后在國其詔問當何居光不欲令
后與帝旦夕相近即議以為定陶太后宜改築宮大司
空何武曰可居北宮上從武言北宮有至房復道通未
央宮師古曰復讀曰複傅太后從復道朝夕之帝所
程大昌雍錄曰天子之居當為正宮其外皆離宮也漢

都長安若未央則其勑為至長樂則因秦而加葺治也
也兩宮初成朝諸侯羣臣乃于長樂叔孫綰蓋首施
乎此不在未央也至高帝登假亦在長樂則長樂也者
既以為居又以受朝無異乎正宮矣然自惠帝以後人
主皆居未央而長樂常奉母后則雖長樂亦當命為離
宮而未央當為正宮也故凡語及長樂者多曰東朝則
其命名固已分乎正宮矣至于甘泉雖在長安東北三
百里外為夫方士輩多云古帝王之所嘗都故武帝立
朝邸其上而藩侯夷酋有來朝者亦皆受之于此若常
制則類以五月往八月還蓋避暑耳此外如建章桂宮
北宮之類雖在都城亦離宮矣右北宮

明光宮 武帝太初四年起在長樂宮後南與長樂宮相連屬漢書成都侯商嘗疾欲避暑從上借明光宮王莽始建國元年改明光宮為定安館定安太后居之又曰武帝求仙起明光宮發燕趙美女二千人充之率取二十以下十五以上年滿三十者出嫁之掖庭令總其藉有死出者隨補之雍錄曰漢有明光宮一在北宮南即王商所借欲以避暑者也別有明光宮在甘泉宮中亦武帝所起發燕趙美女三千人充之至尚書郎主作文書起草更直于建禮門內則近明光殿矣建禮門內得神仙門神門內得明光殿約其方鄉必在未央正宮殿中則臣下奏事之地也建禮門神門明光殿此三名者不見于圖志至歷代宮名之書則于後漢門名有建禮門豈此之所載明光殿者東都之都耶

太子宮甲觀 太子宮有甲觀畫堂漢書曰孝成皇帝

元帝太子也母曰王皇后元帝在太子宮生甲觀畫堂

註曰甲者甲乙丙丁之次元后傳曰見于丙殿此其例

也畫堂謂宮殿中彩畫之堂 右長樂城內宮

永信宮 哀帝尊恭皇太后曰帝太后稱永信宮

中安宮 哀帝尊恭皇后曰帝太后稱中安宮

養德宮 趙王如意年幼未能就外傳戚姬養之趙王

丙傳趙媼傳之號其室曰養德宮西京雜記同又曰後改為魚藻宮

右長安宮異名漢書東方朔傳更名寶太

長門宮 離宮在長安城東漢書東方朔傳更名寶太

太主園在長門長 孝武陳皇后得幸頗妬居長門宮史記

門在長安城東南 封禪書正義曰括地志云長安門故亭在雍州萬年

縣東北苑中後館陶公主長門園武帝長門宮即此

鉤弋宮 孝武鉤弋夫人有寵生昭帝妊娠十四月上

日聞昔堯十四月而生今鉤弋亦然乃命所生門曰堯

母門所居曰鉤弋宮漢武故事曰鉤弋宮在直門之內

儲元宮 在長安城西漢書外戚傳信都太后與信都

王俱居儲元宮

宣曲宮 在昆明池西孝宣帝曉音律常于此度曲以

為名

龍淵宮 漢書元光三年敕決河起龍淵宮服虔曰宮

在長安西作銅飛龍故以為宮名 右長安城外離宮

甘泉宮 一曰雲陽宮史記始皇二十七年作甘泉宮

及前殿作甬道築垣牆自咸陽屬之關輔記曰林光宮

一曰甘泉宮秦所造在今池陽縣西甘泉宮以山為名

周匝十餘里漢武帝建元中增廣之周十九里去長安

三百里望見長安城黃帝以來圜邱祭天處漢書地理志雲陽縣

有休屠金人及徑路神祠三所郊祀志雲陽有徑路神

祠祭休屠王也孟康曰匈奴祭天處在雲陽甘泉山下

秦奪其地徙休屠右地程大昌曰匈奴傳云霍去病出

隴西過焉耆千餘里得休屠王祭天金人師古曰作金

人以為天神之主而祭之今佛像是其遺法也武帝嘉

休屠王來降而為渾邪所殺故以其像祠諸甘泉又取

休屠王列之祀典以為徑路神孟康乃謂甘泉山

泉本匈奴祭天之地為秦所奪豈不謬哉甘泉山

遁甲開山圖云雲陽先生之墟也武帝造關于南以象

方色于甘泉宮更置前殿始造宮室有芝生甘泉殿邊

房中漢舊儀云芝有九莖金色綠葉朱實夜有光乃作

芝房之歌帝又起紫殿雕文刻鏤黼黻以玉飾之成帝

永始四年行幸甘泉郊泰時神光降于紫殿今按甘泉
谷北岸有槐樹今謂玉樹根幹盤峙二三百年木也楊
震關輔古語云耆老相傳咸以為此樹即揚雄甘泉賦
所謂玉樹青葱者也甘泉有高光宮又有林光宮有長
定宮竹宮通天臺通靈臺武帝作迎風館于甘泉山後
加露寒儲胥二館皆在雲陽甘泉中西廂起徬徨觀築
甘泉苑建元中作石關封巒鳩鵲觀于苑垣內宮南有
昆明池苑南有棠梨宮西京雜記曰成帝設雲帳雲帷
雲模于甘泉紫殿世謂三雲殿
長定宮 在林光宮三輔決錄曰后從帝行幸甘泉宮
居長安宮孝成許皇后廢處昭臺宮歲餘徙長定宮
竹宮 甘泉祠宮也以竹為宮天子居中漢舊儀云竹

宮去壇三里

棠梨宮 在甘泉苑垣外雲陽三十里

通靈臺 王褒雲陽記曰鈞弋夫人從至甘泉而卒葬

雲陽武帝思之起通靈臺于甘泉宮有一青鳥集臺上

往來至宣帝時乃不至西京雜記曰昭臺宮後十

昭臺宮 在上林苑中孝宣霍皇后廢處昭臺宮後十

二歲徙雲林館乃自殺西京雜記曰昭臺宮後十

犬臺宮 在上林苑中長安西二十里漢書江充召

見犬臺宮西京雜記曰昭臺宮後十

扶荔宮 在上林苑中武帝元鼎六年破南越起扶荔

宮宮以荔枝得名以植所得奇草異木萑蒲百本山薑木本甘

西王東下殿五十一行

此字脫承華殿一條連上甘泉宮
均為上林苑內離宮
以下有宜春宮十三條為各郡
縣離宮未有標述一段應補鈔

魏代雜記卷之三

蕉十二本留求子十本桂百本蜜香指甲花百本龍眼
荔枝檳榔橄欖干歲子甘橘皆百餘本土木南北異宜
歲時多枯瘁荔枝自交趾移植百株于庭無一生者連
年猶移植不息後數歲偶一株稍茂終無華寔帝亦珍
惜之一旦萎死守吏坐誅者數十人遂不復蒔矣其實
則歲貢焉郵傳者疲斃于道極為生民之患至後漢安
帝時交趾郡守極陳其弊遂罷其貢西京雜記曰初脩
上林苑羣臣遠方各獻名果異樹亦有製為美名以標
奇麗梨十紫梨青梨是大芳梨是大谷梨細葉梨縹葉梨
金葉梨太守王瀚海梨出瀚東王梨出紫條梨棗七
弱枝棗玉門棗棠棗青華棗楞棗赤心棗西王棗出昆

葡萄宮 在上林苑西哀帝元壽二年單于來朝上以
太歲厭勝所在舍之上林苑葡萄宮

魏代雜記卷之三

宋氏槐廬校刊

光緒歲在著雍困敦春月吳縣朱記榮槐廬家塾校刊
歷代帝王宅京記卷三終

歷代帝王宅京記卷四

崑山顧炎武著

吳縣朱記榮校刊

槐廬叢書

關中二

漢

駘蕩宮 春時景物駘蕩滿宮中也

駘娑宮 駘娑馬行疾貌馬行迅疾一日之間遍中言

宮之大也

枌詣宮 枌詣木名美木茂盛也

天梁宮 梁木至于天言宮之高也四宮皆在建章宮

奇華殿 在建章宮傍四海夷狄器服玲寶火浣布切

玉刀巨象大雀師子宮馬充塞其中

此下八條乃建昌宮之後半誤
列於此更宜補正之 以此化
此上尚有長樂宮未央宮各條凡
七葉刊本均脫佚

鼓簧宮 漢宮閣疏云在建章宮西北

神明臺 漢書曰建章有神明臺廟記曰武帝造祭仙

人處高五丈上有承露盤有銅仙人舒掌捧銅盤玉杯

以承雲表之露以露和玉屑服之以求僊道長安記仙

人掌六七圍以銅為之魏文帝徙銅盤折聲聞數十里

宋書五行志魏明帝青龍中盛修宮室西取長安金狄承露槃折聲聞數十里金狄泣于是留霸城也

鳳闕 宮殿疏曰建章宮東有鳳闕高二十餘丈師古

曰闕闕上有銅鳳闕中記曰建章宮圓闕臨北道鳳在

上號曰鳳闕

三秦記秦侯後八世穆公稱伯以河為竟十餘世孝公

用商君制轅田開阡陌東雄諸侯子惠公初稱王得上

郡西河孫昭王開巴蜀滅周取九鼎昭王曾孫政并六

國稱皇帝負力怙威燔書院儒自任私智至子胡亥天

下畔之故秦地于禹貢時跨雍梁二州詩風兼秦幽兩

國昔后稷封釐公劉處幽大王徙邠文王作酆武王治

鎬其民有先王遺風好稼穡務本業故幽詩言農桑衣

食之本甚備有鄠杜竹林南山檀栢號稱陸海為九州

膏腴師古曰言其地高陸而饒物產如海之無所不出故云陸海腹之下肥曰腴故取喻云始皇

之初鄭國穿渠引涇水溉田沃野千里而以富饒漢興

立都長安徙齊諸田楚昭屈景及諸功臣家于長陵後

世世徙吏二千石高訾富人及豪傑并兼之家于諸陵

師古曰訾與貫同蓋亦以疆幹弱支師古曰謂京師為幹四方為支非獨以奉

山園也是故五方雜厝晉灼曰厝古錯字風俗不純其世家則好禮文富人則商賈為利豪傑則游俠通姦瀕南山近夏陽多阻險輕薄易為盜賊常為天下劇又郡國輻湊浮食者多民去本就末列侯貴人車服僭上眾庶放效羞不相及嫁娶尤崇侈靡送死過度又曰秦地天下三分之一而人眾不過什三然量其富居什六吳札觀樂為之歌秦曰此之謂夏聲師古曰夫能夏則大大之至也其周之舊乎自井十度至柳三度謂之鶉首之次秦之分也

高帝本紀曰五年秋後九月治長樂宮史記七年二月徙治長安十年十月淮南梁燕荆楚齊長沙王皆來朝長樂宮功臣表陽城延為少府作長樂未央宮築長

安城先就封梧侯五百戶

七年蕭何治未央宮立東闕北闕前殿武庫太倉師古

上闕中記曰東有蒼龍闕北有元武闕元武所謂北闕也史記正義曰按北闕為正者蓋象秦作前殿渡渭水屬之咸陽以象天極閣道絕漢抵營室索隱曰秦家舊宮皆在渭北立東闕北闕者蓋取其便

惠帝本紀曰六年夏六月起長安西市

文帝本紀曰四年秋九月作顧成廟應劭曰文帝自為望而成猶文王靈臺不日成之也如瀆曰身存而為廟若尚書之顧命也

武帝本紀曰建元三年春作便門橋蘇林曰去長安四

安西北茂林東師古曰便門長安城北面西頭門即平門也古者平便皆同字于此通作橋跨渡渭之水以趨茂陵其道易直其今所謂便橋是也便讀如本字

元狩三年秋發謫吏穿昆明池臣瓚曰西南夷傳有越

百里漢使求身毒國而為昆明所閉令欲伐之故作昆明池象之以習水戰在長安西南周回四十里師古曰謫吏吏有罪者罰而役之

郊祀志曰作甘泉宮中為臺室畫天地泰一諸鬼神而置祭具以致天神其後又作柏梁臺銅柱承露仙人掌

之屬矣蘇林曰仙人以手掌擎盤承甘露師古曰三輔故事云建章宮承露盤高二丈七圍以銅為之上有仙人掌承露和玉屑飲之張衡西京賦所云立修莖之仙掌承雲表之清露是也

元鼎二年春起柏梁臺

食貨志曰是時粵欲與漢用船戰遂迺大修昆明池列

館環之治樓船高十餘丈旗幟加其上甚壯織幟同于是

天子感之迺作柏梁臺高數十丈宮室之脩繇此日麗

本紀曰三年冬徙函谷關于新安應劭曰時樓船將軍楊僕數有大功恥為

關外民上書乞徙東關以家財給其用度武帝以故關意亦好廣闢于是徙關于新安去舊農三百里以故關為宏農縣

元封二年夏作甘泉通天臺長安飛廉館應劭曰飛廉氣者也晉灼曰身似鹿頭如爵有角而蛇尾文如豹文師古曰通天臺者言此臺高上通于天也漢舊儀云高三千丈望見長安城

郊祀志公孫卿曰僊人可見而上往常遽以故不見今

陛下可為觀如緱氏城置脯棗神人宜可致也且僊人

好樓居于是上令長安則作飛廉桂館師古曰甘泉則

作益壽延壽館師古曰延壽觀而近歲雍耀間耕夫有得古

瓦其首作益延壽三年瓦徑尺字書奇古即此觀當時

一瓦也又按括地志云延壽觀在雍州雲陽縣西北八十里通天台西八十步正今耀州地也然則當以史記為正但一觀名益延壽三字耳師古謂益壽延壽二館

非是館當從史記作觀觀館古多相通自唐以前

六朝時凡道觀皆謂之某館至唐始定謂之觀也

使卿持節設具而候神人迺作通天臺置祠具其下將

招來神僊之屬于是甘泉更置前殿始廣諸宮室

本紀曰太初元年冬十一月乙酉柏梁臺災春二月起

建章宮師古曰在未央宮西今長安故城西

郊祀志曰上以柏梁災故受計甘泉公孫卿曰黃帝就

青靈臺十二日燒師古曰就成也造臺適黃帝乃治明

庭明庭甘泉也方士多言古帝王有都甘泉者其後天

子又朝諸侯甘泉甘泉作諸侯邸粵人勇之曰粵俗有

火災復起屋必以大用勝服之于是作建章宮度為千

門萬戶前殿度高未央度並音大各反其東則鳳閣高二十餘

丈師古曰三輔故事云其西則商中數十里虎圈如商

日商中商庭也師古曰商金也于秋故謂西方之庭為

其北治大池漸臺高二十餘丈名曰泰液師古曰漸浸

為水所浸故曰漸臺一音子廉反池中有蓬萊方丈瀛

洲壺梁象海中神仙龜魚之屬師古曰三輔故事云池

五尺西岸又石其南有玉堂璧門大鳥之屬師古曰立

龜三枚長六尺立神明臺井幹樓高五十丈輦道相屬焉師古曰漢宮

臺高五十丈上有九室恒置九天道士百人然則神明

井幹俱高五十丈也井幹樓積水而高為樓若井幹之

形也井幹者井上木欄也其形或四角或八角張衡西

都賦云井幹疊而百層即謂此樓也幹或作翰其義並

同

本紀曰四年秋起明光宮

宣帝本紀曰神爵三年春起樂游苑師古曰三輔黃圖關中記云宣帝立廟于曲池之北號樂游按其處則今苑後因立廟樂音來各反

郊祀志曰以方士言為隨候劔寶玉寶璧周康寶鼎立

四祠于未央宮中又立歲星辰星太白熒惑南斗祠于

長安城傍京師近縣鄠則有勞谷五牀山日月五帝僊

人玉女祠雲陽徑路神祠祭休屠王也師古曰休屠匈奴本匈奴之祠也屠音除

元帝本紀曰初元二年春三月詔罷水衡禁囿宜春下

苑孟康曰宮名也在杜縣東晉灼曰史記云葬二世杜南宜春苑中師古曰宜春下苑即今京城東南隅曲

江池少府飲飛外池如清曰漢儀注飲飛具增繳是射鳧雁給祭祀故有池也嚴籟

池田蘇林曰嚴籟池上之屋及其池也晉灼曰嚴籟射苑也許慎曰嚴弋射者所蔽也池田苑中田也師古曰晉

五年夏四月罷上林宮館希御幸者

成帝本紀曰建始元年秋罷上林宮館希御幸者三十

六所外戚傳曰趙皇后既立後寵少衰而弟絕幸為昭儀居昭陽宮其中庭彤朱而殿上髹漆師古曰以漆漆物切

皆銅沓冒黃金塗師古曰切門限也沓冒其頭也白玉石

階壁帶往往為御黃金釭函藍田璧明珠翠羽飾之師古曰壁帶壁之橫木露出如帶者也于壁帶之中往往以金為釭若車釭之形也其釭中著玉璧明珠翠羽耳釭

音自後宮未嘗有焉

工

平帝本紀曰元始元年夏六月罷明光宮及三輔馳道
二年夏起五里于長安城中如瀆日民居之里宅二百區以居
貧民

四年春立明堂辟廱

王莽傳曰莽奏起明堂辟廱靈臺為學者築舍萬區作
市常滿倉制度甚盛

五年秋莽以皇后有子孫瑞莽女為平帝后通子午道張晏曰

四始有婦人之道也子水午火也水以天一為牡子午

火以地二為牝故火為水妃今通子午以協之

道從杜陵直絕南山徑漢中師古曰子北方也午南方

之子午耳今京城直南山有谷通梁漢道者名子午谷

又宜州西界慶州東界有山名子午嶺計南北直相當

此則北山者是子南山者是午共為子午道

順帝紀詔益州刺史罷子午道通褒斜路註云秦紀曰

于午長安正南山名秦嶺谷一名樊川褒斜
漢中谷名南谷為褒北谷為斜首尾七百里

始建國元年春正月改明光宮為定安館定安太后居

之平帝后改公車司馬曰王路四門長樂宮四常樂室未

央宮曰壽成室前殿曰王路堂服虔曰如言路寢也長安曰常安

地皇元年秋望氣為數者多言有土功象莽下書曰予

受命遭陽九之厄百六之會府帑空虛百姓匱乏宗廟

未修且禘祭于明堂太廟夙夜永念非敢甯息深惟吉

昌莫良于今年予乃卜波水之北郎池之南惟玉食劉

日長安南也師古曰黃圖有西波池郎池皆在石城南

上林中玉食謂龜為玉兆之文而墨食也波音彼皮反

予又卜金水之南明堂之西亦惟玉食予將親築焉于
是遂營長安城南師古曰蓋所謂金水之南明堂之北捉封百頃九月甲

申莽立載行視師古曰立載謂立而乘車也親舉築三下司徒王尋

大司空王邑持節及侍中常侍執法杜林等數十人將

作師古曰將領築作之人壞徹城西苑中建章承光包陽大臺儲

元宮及平樂當路陽祿館凡十餘所師古曰自建章以下至陽祿皆上林苑中

館取其材瓦以起九廟一曰黃帝太初祖廟二曰帝

虞始祖昭廟三曰陳胡王統祖穆廟四曰齊敬王世祖

昭廟五曰濟北愍王王祖穆廟凡廟不墮云師古曰墮嬰也音火

規六曰濟南伯王尊禰昭廟七曰元城孺王尊禰穆廟

八曰陽平頃王戚禰昭廟九曰新都顯王戚禰穆廟殿

皆重屋太初祖廟東西南北各四十丈高十七丈餘廟

半之為銅薄櫨師古曰薄櫨柱上枿即今所謂櫨也櫨音慮飾以金銀瑠文

師古曰窮極百工之巧帶高增下建古曰本因高地而

瑠影同窮極百工之巧帶高增下師古曰本因高地而

二年莽募長樂宮銅人五枚起立惡之念銅人銘有皇

帝初兼天下之文即使尙方工鑄滅所夢銅人膺文師古

日鑄鑿也音子全反又感漢高廟神靈師古曰謂遣虎賁武士入

高廟拔劍四面提擊師古曰提擲也音徒計反斧壞戶牖桃湯赭鞭

鞭灑屋壁師古曰桃湯灑之赭鞭鞭之赭赤也令輕車校尉居其中又令

中軍北壘居高寢師古曰徙北軍壘之兵土于高廟寢中屯居也

三月春正月九廟成金中樂其土則風中又正

二月癸巳霸橋災數千人以水沃救不滅莽惡之更名

霸館為長存館霸橋為長存橋師古曰

後漢書光武本紀曰建武十九年修西京宮室

郊祀志曰莽篡位二年興神僊事以方士蘇樂言起八

風臺于宮中臺成萬金作樂其上順風作液湯又種五

梁禾于殿中師古曰五色禾也各順色置其方面先鬻鶴雛毒

冒犀玉二十餘物漬種師古曰鬻古煮字雛古雛字謂鬻取汁以漬穀子也壽音代胃

地理志曰京兆尹故秦內史高帝元年屬塞國二年更

為渭南郡九年復為內史武帝建元六年分為右內史

師古曰表云景帝分置據史記知志誤太初元年更為京兆尹縣十二

長安 新豐 船司空 藍田 華陰

鄭 湖 下邦 南陵 奉明

霸陵 杜陵

左馮翊故秦內史高帝元年屬塞國二年更為河上郡

九年復為內史武帝建元六年分為右內史太初元年

更名左馮翊縣二十四

高陵 櫟陽 翟道 池陽 夏陽

衙 栗邑 蓮勺 鄜 頻陽

臨晉 里泉 郃陽 祿祿 武城

谷口 沈陽 襄德 徵 雲陵

萬年 長陵 陽陵 雲陽

右扶風故秦內史高帝元年屬雍國元年更為中地郡

九年復為內史武帝建元六年分為右內史太初元年

史名主爵都尉為右扶風師古曰主爵都尉本秦之主爵中尉掌列侯至太初元年更名右扶風而治于右內史地縣三十六平亂縣國元平更食中散

渭城 槐里 鄠 盩屋 漆

郁夷 美陽 郿 雍

枸邑 隃麋 陳倉 杜陽 汧

好畤 號 安陵 茂陵 平陵

武功

平帝紀曰元始四年分京師置前輝光後丞烈二郡

地理志曰華陰有集靈宮武帝起

右扶風槐里有黃山宮孝惠三年起

三輔黃圖序曰易曰上古穴居而野處後世聖人易之

以宮室上棟下宇以待風雨蓋取諸大壯三代盛時未

聞宮室過制秦穆公居西秦以境地多良材始大宮觀

戎使由余適秦穆公示以宮觀由余曰使鬼為之則勞

神矣使人為之亦苦民矣是則穆公時秦之宮室已壯

大矣惠文王初都咸陽取岐雍巨材新作宮室南臨渭

北踰涇至于離宮三百復起阿房未成而亡按離宮三百及起阿

房皆始皇事也始皇并滅六國憑藉富強益為驕侈殫天下財

力以事營繕項羽入關燒宮闕三月火不絕漢高祖有

天下始都長安寔曰西京欲其子孫長安都于此也長

本秦之鄉名高祖作都至孝武皇帝承文景菲薄之餘恃邦國阜

繁之資土木之役倍秦越舊斤斧之聲舂錘之勞歲月

不息蓋逞其邪心以誇天下也昔孔子作春秋築一臺

新一門必書于經謹其廢農時奪民力也今哀采秦漢

以來宮殿門闕樓觀池苑在關輔者著于篇曰三輔黃

圖云東都不與焉

三輔禹貢九州舜置十二牧雍其一也古豐鎬之地

平王東遷以岐豐之地賜秦襄公至孝公始都咸陽在

九嶷山南渭水北故名咸陽山南曰陽水北曰陽秦并天下置內

史以領關中項籍滅秦分其地為三以章邯為雍王都

廢邱司馬欣為塞王都櫟陽董翳為翟王都高奴謂之

三秦漢高祖元年定三秦更為渭南郡九年罷郡復為

內史景帝分置左右內史此為右內史武帝太初元年

改內史為京兆尹與左馮翊右扶風謂之三輔

三輔治所京兆在故城南尚冠里馮翊在故城內太上

皇廟西南扶風在夕陰街北

三輔者謂主爵中尉及左右內史漢武帝改曰京兆尹

左馮翊右扶風其治長安城中是之謂三輔按百官表

引黃圖云京兆在尚冠前街東入故中尉府馮翊在大

上皇廟西入口口口口口右扶風在夕陰街北入故主爵府

長安以東為京兆長陵以北為三輔郡皆有都尉如諸

郡京輔都尉治華陰左輔都尉治高陵右輔都尉治郿

王莽分長安城旁六卿置帥各一人分三輔為六尉郡

渭城安陵以西北至栒邑義渠十縣屬京尉大夫府居

故長安寺高陵以北十縣屬師尉大夫府居故廷尉府

新豐以東至湖十縣屬羽尉大夫府居城霸東陵杜陵
以東至藍田西至武功郁夷十縣屬光尉大夫府居城
西茂陵槐里以西至汧十縣屬扶尉大夫府居城西長
陵池陽以北至雲陽祓祠十縣屬列尉大夫府居城北
後漢光武之後扶風出治槐里馮翊出治高陵後漢百官志曰
中興都雒陽以三輔陵圖所在不改其號但減其秩與太守同

漢長安故城 高帝七年修長安宮城自櫟陽徙居之
本秦離宮也初置長安城本狹小至惠帝更築之城高
三丈五尺下闊一丈五尺上闊九尺雉高三坂周回六
十五里城南為南斗形北為北斗形至今人呼漢京城
為斗城是也漢舊儀曰長安城中經緯各長三十二里

十八步地九百七十二頃八街九陌三宮九府三廟十
二門九市十六橋地皆黑壤今赤如火堅如石父老傳
云盡鑿龍首山土為城水泉深二十餘丈樹宜槐與榆
松柏茂盛焉城下有池周繞廣三丈深二丈石橋各六
丈與街相直通典高宗咸亨三年于岐州陳倉縣東南
開渠引渭水入昇源渠通船楫至京故城舊唐書殷囑
傳與統軍劉宏基率兵六萬屯長安故城

許敬宗傳高宗于古長安城游覽命敬宗與宏文館學
士具檢秦漢以來歷代宮室處所以奏

城十二門 長安城東出南頭第一門曰霸城門民見
門色青名曰青城門或曰青門門外舊出佳瓜廣陵人

召平為秦東陵侯秦破為布衣種瓜青門外瓜美故時人謂之東陵瓜廟記曰霸城門亦曰青綺門漢書王莽天鳳三年霸城門災莽更霸城門曰仁壽門無疆亭後周書武帝紀建德六年五月青城門無故自崩宣帝紀大象元年三月庚申至自東巡帝親擐甲胃入自青門長安城東出第二門曰清明門一曰籍田門以門內有籍田倉一曰凱門漢書平帝元始四年東風吹瓦屋且盡即此門也漢宮殿疏曰第二門名城東門莽更曰宣德門布恩亭

長安城東出北頭第一門曰宣平門民間所謂東都門史記孝景中三年軍東都門外漢書成帝建始元年有白蛾羣飛蔽日

畢之曰東都門玉海引作
台日東都

崇尚有南出第二門南出第三門西出南頭第一門西出第二門西出北頭第一門北出東頭第一門北出第二門北出西頭第一門連上東出四門方合長安十二門之數今刊本皆脫失宜依鈔稿本補此八條

從東都門至軹道又疏太傅廣少傅受上疏乞骸骨歸公卿大夫為設祖道供張東都門外即此門也後漢書董卓傳王允奉天子保其郭門亦曰東都門即逢萌挂冠處也宣平城門樓上昌邑王賀傳至廣明東都門東都門至外郭亭十三里莽更名曰春王門正月亭

長安城南出東頭第一門曰覆盎門廟記曰覆盎門與洛門相去十三里二百一十步門外有魯班輪所造橋工巧絕世其南有下杜城應劭曰故杜陵之下聚落也故曰下杜門又曰端門北對長樂宮漢書戾太子傳斫覆盎門出奔湖蔡義傳遷補莽更名曰永清門長茂亭漢城門皆有候門候主候時謹啟閉也三輔決錄曰

長安城面三門四面十二門皆通遠九達以相經緯衢路平正可並列車軌三塗洞開隱以金椎周以林木左出右入為往來之徑行者升降有上下之別班固西都賦云披三條之廣路立十二之通門張衡西京賦云城郭之制則旁開三門參塗夷庭方軌十二街衢相經廬里端直農宇齊平是也

覆盡門以下鈔本尚有八條應照錦補全

壬申正月十一日飲香相宅歸棹此况叔記

光緒歲在著雍困敦春月吳縣朱記榮槐廬家塾校刊
歷代帝王宅京記卷四終

歷代帝王宅京記卷五

崑山顧炎武著

吳縣朱記榮校刊

槐廬叢書

關中三

四十里漢

甘泉苑 武帝置緣山谷行至雲陽三百八十一里西入扶風凡周回五百四十里苑中起宮殿臺閣百餘所有僊人觀石闕封巒觀鳩鵲觀

廣明苑 水經注其一渠東經奉明縣廣城鄉之廣明

苑南史皇孫及王夫人葬於郭北宣帝遷苑南以為悼

園益園民千六百家立奉明縣以奉二園園在東都門

昌邑王賀自霸御法駕郎中令龔遂驂乘至廣明東都

此上有上林苑一條凡四百餘言

此下有御宿苑思賢苑西郊苑樂遊苑宜春下苑五條

門是也

三十六苑漢儀注太僕牧師諸苑三十六所分布北邊西邊以郎為苑監宦官奴婢三萬人養馬三十萬匹養鳥獸者通名為苑故謂牧馬處為苑

梨園人雲陽宮記曰雲陽車箱坂下有梨園一頃梨數百枝青翠繁密望之如車蓋

昆明池已下漢武帝元狩四年穿在長安西南周回

四十里西南夷傳曰天子使使求身毒國而為昆明所

閉天子欲伐之昆明國有滇地方三百里故作池以象

之以習水戰因明曰昆明池漢書曰元狩三年滅隴西

弄法者謫食貨志曰時越欲與漢用船戰遂乃大修昆

之穿此池

明池三輔舊事曰昆明池地三百三十二頃中有戈船

各數十樓船百艘船上建戈矛四角悉垂幡旒旒葆麾

蓋照灼涯涘圖曰上林苑有昆明池周匝四十里廟記

曰池中後作豫章大船可載萬人上起宮室因欲遊戲

養魚以給諸陵祭祀餘付長安廚西京雜記作付三輔

故事又曰池中有豫章臺及石鯨刻石為鯨魚長三丈

每至雷雨常鳴吼鬣尾皆動西京雜記曰後世祭一說

甘泉宮南有昆明池池中有靈波殿皆以桂為殿柱風

來自香又曰池中有龍首船常令宮女泛舟池中張鳳

蓋建華旗作權歌襍以鼓吹帝御豫章觀臨觀焉關輔

古語曰昆明池中有二石人立牽牛織女于池之東西

以象天河張衡西京賦曰昆明靈沼黑水元趾牽牛立其左織女居其右左今有石父石婆神祠在廢池疑此是也武帝初穿池得黑土帝問東方朔朔曰西域胡人知之乃問胡人胡人曰劫燒之餘灰也魏書世祖太平真安五千人後昆明池高祖太和二十一年四月發長幸昆明池周書閔帝欲觀漁于昆明池隋書文帝開乃止明帝二年六月幸昆明池幸昆明池皇明池舊唐書高祖武德六年三月乙未幸昆明池昆明池舊唐書高祖武德六年三月乙未幸昆明池宴百官西苑九年三月幸昆明池正月癸酉大蒐于昆明池代宗大曆二年二月壬午幸昆明池武宗紀會昌元年二月壬午池陳王固聘西魏宴昆明池魏人以南人嗜魚大設罟網固以佛法呪之遂一鱗不獲周太祖往昆明池觀漁行至城西漢故倉地顧問左右莫有知者或曰蘇綽博物多通請問之太祖召綽綽具以狀對綽有口辨應對如流太祖益喜與綽並馬德宗貞元十三年命京徐行至池竟不設網罟而還

唐書世祖太平真

兆尹韓皋充使浚之追尋漢制引交河澧水合流入池鎬池在昆明池北卽周之故都也廟記曰長安城西有鎬池在昆明池北周匝二十二里漑地三十三頃史記秦始皇三十六年使者從關東夜至華陰平舒道有人持璧遮使者曰爲吾遺鎬池君因言曰今年祖龍死使者問其故忽不見置其璧去使者奉璧具以聞始皇默然良久曰山鬼不過知一歲事也退言曰祖龍者人之先也使御府視璧乃二十八年渡江所沈璧也

滄池在長安城中舊圖云未央宮有滄池言池水蒼

色也注曰沈水枝渠于章門西引水入城東爲滄池池在未央宮西

太液池在長安故城西建章宮北未央宮西南太液

者言其津潤所及廣也關輔記云建章宮北有池以象北海刻石為鯨魚長三丈漢書曰建章宮北治大池名曰太液池中起三山以象瀛洲蓬萊方丈刻金石為魚龍奇獸異禽之屬廟記曰建章宮北池名太液周回十頃有采蓮女命鶴之舟三輔舊事云日出暘谷浴于咸池至虞淵即暮此池象之也昭帝元始元年春黃鵠下建章宮太液池西京雜記曰太液池邊皆是雕胡紫葳胡葭蘆之未解葉者謂之紫葳菰之有首者謂之綠節其間鳧雛鴈子布滿充積又多紫龜綠鼈池邊多平沙有鳴鵠舟容與舟清曠舟採菱舟越女舟太液池西有一池名孤樹池中有洲上結樹一株六十餘圍望之童童如蓋故取為名王嘉拾遺記曰成帝嘗以秋日與趙飛燕戲於太液池以沙棠木為舟以雲母飾於鵠首一名雲舟又刻桐木為虬龍雕飾如真夾雲舟而

行以紫桂為柁棹及觀雲棹水玩擷菱渠帝每憂輕蕩以驚飛燕命飲飛之士以金鎖纜雲舟於波上每輕風時至飛燕殆欲隨風入水帝以翠纓結飛燕之裾今太液池尚有避風臺即飛燕結裾之處也

唐中池 周回十二里在建章宮太液池南

百子池 在建章宮西西京雜記曰漢時宮中嘗以七月七日臨百子池作于闐樂

十池 上林苑有初池糜池牛首池司馬相如上林賦曰濯鵠牛首郭璞注曰牛首池在豐

水西北近漕河 蒯池積草池西京雜記曰池中有南

高二丈二尺一本三柯上有四百六十條名曰烽火樹夜有光景常欬然

當路池大臺池郎池牛首池在上林苑中西頭蒯池生

蒯艸以織席西陂池郎池皆在右城南上林苑中陂即

三水名因為池初學記引三秦記曰漢上林有池十五

所承露池昆靈池池中有倒披蓮連錢荇浮浪根菱天
泉池上有蓮樓閣道中有紫宮戟子池龍池魚池牟首
池蒯池蘭鶴池西陂池當路池東陂池太乙池牛首池
積艸池糜池百子池以上共十八名未詳
少府依飛外池漢儀注依飛具增繳以射鳧鴈給祭
祀故有池孝元紀初元二年詔罷少府依飛外池嚴籓池田假與貧民
酒池在長安故城中廟記曰長樂宮中有魚池酒池
池上有肉炙樹秦始皇造漢武行舟於池中酒池北起
臺天子於上觀牛飲者三千人又曰武帝作以夸羌胡
飲以鐵盃重不能舉皆抵牛飲西征賦云酒池監於商
辛追覆車而不悟

影娥池在建章宮武帝鑿池以翫月其旁起望鵲臺

琳池昭帝元始元年穿廣千步王嘉拾遺記曰池中

狀如駢蓋日照則葉低蔭根莖若葵之衛足名曰低光
荷實如元珠可以飾佩花葉葳蕤芬馥之氣徹十餘里
食之令人氣常香益脉治病帝時命水嬉游燕永日
以文梓為船木蘭為柁刻飛燕鵲飾於船首隨風輕
漾畢景忘歸起商臺於池上今臺無遺址溝池已平
又曰元鳳二年於琳池之南起桂臺以望遠東引太液
之水有一連理桂樹上枝跨於渠水下枝隔岸而南生與上枝同一株

鶴池在長安城西

盤池在長安城西北

冰池在長安西舊圖云西有彪池亦名聖女泉蓋冰

彪聲相近而訛也

蒲池漢書郊祀志五帝廟臨池其北穿蒲池

靈臺已下臺榭 在長安西北八里漢始曰清臺本為候者

觀陰陽天文之變更名曰靈臺郭緣生述征記曰長安

宮南有靈臺高十五仞上有渾儀張衡所制又有相風

銅鳥遇風乃動有銅表高八尺長一丈三尺廣尺二寸

題曰太初四年造

柏梁臺 武帝元鼎二年起在未央宮北門內三輔舊

事云以香柏為梁也帝嘗置酒其上詔羣臣和詩能七

言詩者乃得上五行志太初元年十月未央宮柏梁臺

災

漸臺 在未央宮高十丈一作三丈漸浸也言為池水所

漸一說漸臺星名也晉天文志漸臺四星在織女東南臨水之臺也水經注曰

未央宮西有滄池池中有漸臺師古曰未央殿西南漢有滄池池中有漸臺

兵起王莽死於此臺南有璧門三層高三十餘丈中殿

十二間階陛咸以玉為之鑄銅鳳五丈飾以黃金樓屋

上椽首薄以玉璧因曰璧玉門也

神明臺見建章宮

涼風臺 在長安故城西建章宮北關輔記曰建章宮

北作涼風臺積水為樓

長樂宮有魚池臺酒池臺秦始皇造又有著室臺鬪雞

臺走狗臺壇臺漢韓信射臺又未央宮有果臺東西山

二臺未央宮有鈎弋臺通靈臺望鵠臺眺蟾臺桂臺商

臺避風臺並見

通天臺 武帝元封二年作甘泉通天臺漢舊儀云通天臺者言此臺高通於天也漢武故事築通天臺於甘泉去地百餘丈雲雨悉在其下望見長安城武帝時祭泰山土通天臺舞八歲童女三百人祠祀招仙人祭泰一云令人升通天臺以候天神天神既下祭所若大流星乃舉烽當作燿火而就竹宮望拜上有承露槃仙人掌擎玉杯以承雲表之露元鳳間臺自毀榱桷皆化為龍鳳隨風雨飛去西京賦云通天諺以竦峙徑百常而莖擢上辦華以交紛下刻隋其若削亦曰候神臺又曰望仙臺以候神明望神仙也

長楊榭 在長楊宮秋冬校獵其下命武士搏射禽獸

天子登此以觀焉臺上有水曰榭

豫章觀已下觀閣 武帝造在昆明池中亦曰昆明觀一說

曰上林苑中有昆明池觀桓譚新論云元帝被疾遠求

方士漢中送道士王仲都詔問所能對曰能忍寒乃以

隆冬盛寒日令袒載駟馬於上林昆明池上環以冰而

御駟者厚之狐裘寒戰而仲都無變色卧於池上矐然

自若即此也一云三只東

飛廉觀 在上林苑武帝元封二年作飛廉神禽能致

風氣者武帝以銅鑄置觀上因以為名高四十丈後漢

明帝永平五年至長安迎取飛廉并銅馬置上西門外

為平樂觀董卓悉銷以為錢

屬玉觀在扶風屬玉水鳥似鷓鴣以名觀也宣帝甘露二年行幸萇陽宮屬玉觀
 青梧觀在五柞宮之西西京雜記曰觀前有三梧桐樹下有石麒麟二枚刊其脇為文字是秦始皇驪山墓上物也頭高一丈三尺東邊者前左脚折折處有赤如血父老謂其有神皆含血屬筋焉
 射熊館在長楊宮
 石闕觀封巒觀雲陽宮記云宮東北有石門山岡巒糾紛千霄秀出有石巖容數百人上起甘泉觀甘泉賦云封巒石闕弭迤乎延屬
 白楊觀在昆明池東

長平觀在池陽宮臨涇水亦作館元后傳登長平館

獻帝紀韓遂馬騰與郭汜樊稠戰於長平觀遂騰敗績注前書音義曰長平阪名也上有觀在池陽宮南去長

安五

龍臺觀在豐水西北近渭

涿木觀在上林苑

細柳觀在長安西北三輔舊事云漢文帝遣將軍周

亞夫屯細柳今呼古徼是也

僊人觀霸昌觀蘭池觀安臺觀淪沮觀在城外又有禁

觀董賢觀蒼龍觀當市觀旗亭觀樓馬伯騫樓在城內

麒麟朱鳥龍興含章皆館名

繭館漢宮闕疏云上林苑有繭館蓋蠶繭之所也

石渠閣蕭何造其下礪石為渠以導水若今御溝因
為閣名所藏入關所得秦之圖籍至成帝又於此藏秘
書焉三輔故事云在未央宮殿北甘露中五經諸儒雜
論於石渠閣蕭何造其下礪石為渠以導水若今御溝因
天祿閣藏典籍之所在未央宮殿北漢宮殿疏云天
祿麒麟閣蕭何造以藏秘書處賢才也劉向於成帝之
末校書天祿閣專精覃思夜有老人著黃衣植青藜杖
叩閣而進見向暗中獨坐誦書老父乃吹杖端烟然以
見向授五行洪範之文恐詞說繁廣忘之乃裂裳及紳
以記其言至曙而去請問姓名云我是太乙之精天帝
聞卯金之子有博學者下而觀焉乃出懷中竹牒有天

文地圖之書曰余畧授子焉至子歆從授其術向亦不
語此人焉

麒麟閣在未央宮廟記云蕭何造張晏曰武帝
獲麒麟時作漢書

宣帝思股肱之美乃圖霍光等十一人於麒麟閣

三秦記云未央宮有堯閣廟記云未央宮有白虎閣屬

車閣

掖門漢書呂后紀朱虛侯章從太尉勃請卒千人入

未央宮掖門師古曰非正門而在
兩旁若人之臂掖也

永巷永長也宮中之長巷幽閉宮女之有罪者武帝

時改為掖庭置獄焉列女傳周宣王姜后
脫簪珥待罪永巷

辟雍在長安西北七里漢書河間獻王來朝獻雅樂

武帝對之三雍宮即此禮樂志曰成帝時健為郡水濱得古磬十六枚劉向說帝宜興
辟雍焉水經注曰渭水又東合漕渠又東逕長安縣南東逕明堂南舊引水為辟雍處在鼎路門東南七里其制上圓下方九宮十二室四嚮五室堂北三百步有臺是漢平帝永始四年立渠南有漢故圓邱成帝建始二年罷雍五時始祀皇天上帝於長安南郊應劭曰天郊在長安南即此也

明堂 在長安西南七里漢書曰武帝初即位嚮儒術以文學為本議立明堂於城南以朝諸侯應劭注曰漢武帝造明堂王莽脩飾令大禮記卷之三十一
圓邱 在昆明故渠南高二丈周回百二十步

太學 在長安西北七里王莽作宰衡時建弟子舍萬區起市郭上林苑中三輔舊事云漢太學中有市有獄漢立四廟祖宗廟異處不序昭穆

版標題二字

太上皇廟 在長安故城中香室街南鴻辨府北關輔

記曰在酒池北

高祖廟 在長安故城中關輔記曰秦廟中鐘四枚皆

在漢高祖廟中三輔舊事云高廟鐘重十二萬斤漢舊

儀云高祖廟鐘十枚各受十石撞之聲聞百里漢書文

帝時盜取高廟玉環故事云光武至長安以宗廟燒蕩

為墟乃徙都雒陽取十廟合於高廟作十二室太常卿

一人別治長安主知高廟事高廟有便殿凡言便殿便

室便坐者皆非正大之處所以就便安也

高園 於陵上作之既有正寢以象平生正殿路寢也

又立便殿於寢側以象休息閑宴之處也

原廟漢書叔孫孝惠更於渭北建高帝廟謂之原廟

通傳曰惠帝為東朝長樂宮及間往師古曰非大廟

蹕煩民作復道復讀方築武庫南如淳曰方始通奏事

因請閒曰陛下何事築復道高帝寢衣冠月出游高廟

應劭曰月旦出高帝衣冠備法駕名曰游衣冠晉子孫

奈何乘宗廟道上行哉惠帝懼曰急壞之通曰人主無

過舉師古曰舉事今已作百姓皆知之矣願陛下為原

廟渭北師古曰原重也先已有衣冠月出游之益廣宗

廟大孝之本上乃詔有司立原廟

惠帝廟在高帝廟後

文帝廟號願成見

景帝廟號德陽宮史記孝景中四年三月置德陽宮

言廟故武帝廟號龍淵今長安西茂陵東有其處作銅飛龍

故以名宮武帝廟

昭帝廟號徘徊

宣帝廟號樂遊見

元帝廟號長壽

成帝廟號陽池

太上皇有寢廟園原廟昭靈后武哀王昭哀后皆有園

孝惠皇帝有寢廟園孝文太后孝昭太后皆有寢園衛

思后皇祖悼考皆有廟園廟曰奉明

合百六十一

元成之世祖宗廟在郡國者六十八合百六十七所京師自高祖至宣帝與太上皇悼皇考各自居陵旁立廟并為百七十六又園中各有寢便殿日祭於寢月祭於殿時祭於便殿寢日四上食廟歲二十五祠便殿歲四祠又月一游衣冠四時祭宗廟用太牢列侯皆獻酌以助祭諸侯王及列侯歲時諸京師侍祠助祭南北郊天郊在長安城內地郊在長安城北所屬掌治壇墀郊宮歲時供張以奉郊祀武帝定郊祀之事祠太一於甘泉圓邱取象天形就陽位也祀后土於汾陰澤中方邱取象地形就陰位也至成帝徙泰時后土於京師始祀上帝於長安后郊祀后土於長安北郊

漢初除秦社稷立漢社稷其後又立官社配以夏禹而不立官稷至平帝元始三年始立官稷於官社之左

太上皇陵 高帝葬太上皇於櫟陽北原因置萬年縣於櫟陽大城內以為奉陵邑其陵在東者太上皇在西者昭靈后也高祖初居櫟陽故太上皇因在櫟陽十年太上皇崩葬北原

高祖長陵 在渭水北去長安城三十五里山東西廣一百二十步高十三丈長陵城周七里百八十步因為殿垣門四出及便殿掖庭諸宮寺皆在中

呂后陵 在高祖陵東按史記高后合葬長陵註云漢帝后同塋則為合葬不合陵也
惠帝安陵 去長陵十里在長安城北三十五里安陵

有果園鹿苑云

文帝霸陵 在長安城東七十里因山爲藏不復起墳就其水名以爲陵號

景帝陽陵 在長安城東北四十五里按景帝五年作

陽陵起邑陽陵山方百二十步高十丈

武帝茂陵 在長安城西北八十里建元二年初置茂

陵邑本槐里縣之茂鄉故曰茂陵周回二里三輔舊事

云武帝於槐里茂鄉徙戶一萬六千置茂陵高一十四丈一百步茂陵園有鶴觀

昭帝平陵 在長安城西北七十里去茂陵十里

宣帝杜陵 在長安城南帝在民間時好游鄠杜閒故

葬此

元帝渭陵 在長安城北五十六里

成帝延陵 在扶風去長安六十二里王莽時遣使壞

渭陵延陵園門采恩曰毋使民復思也又以墨色滂其

周垣

哀帝義陵 在扶風渭城西北原上去長安四十六里

平帝康陵 在長安北六十里興平原口

文帝母薄太后南陵 在霸陵南故曰南陵

昭帝母趙婕妤雲陵 在雲陽甘泉宮南今人呼爲女

陵

李夫人墓 在茂陵西北一里東西五十步南北六十

步高八丈俗名英陵亦曰集僊臺

漢有長水中壘屯騎虎賁越騎步兵射聲胡騎八營宿

衛王宮周廬值宿處

虎威章溝皆署名

武庫 在未央宮蕭何造以藏兵器水經注昆明故渠出二宮之間又東

歷武庫北樛里子葬於此史記樛里子名疾秦惠王異母弟也滑稽多智秦人號曰智囊葬於渭南章臺之東

曰後百歲當有天子之宮夾我墓樛里子至漢興長樂宮

廟西渭南陰鄉樛里故俗謂之樛里子至漢興長樂宮

在其東未央宮在其西武庫正其墓秦人諺曰力則

任鄙智則樛里田蚡傳嘗請考工地益宅上怒曰君

取武庫 靈金內府 太上皇微時佩一刀長三尺上有銘字難

識傳云殷高宗伐鬼方時所作也高祖以之斬白蛇及

定天下藏於寶庫守藏者見白氣如雲出戶狀若龍蛇

呂后改庫曰靈金藏惠帝即位以此庫貯禁兵器名曰

靈金內府

太倉 蕭何造在長安城外東南在禁苑西北距中渭

四面俱十三里亦隸苑中

細柳倉嘉倉 在長安西渭水北古徼西有細柳倉城

東有嘉倉

未央大廡 在長安故城中漢官儀曰未央宮六廡長

樂承華等廡令皆秩六百石

翠華廡大輅廡果馬廡輓染廡騎馬廡大苑廡胡河廡

駒駘廡皆在長安城外

霸昌觀馬廄 在長安城外

都廄天子車馬所在中廄皇后車馬所在

獸圈九畿圈一郡國志曰虎圈在通文

帝問上林苑及馮媛當熊皆此處獸圈上有樓觀

蠶室 行腐刑之所也司馬遷下蠶室

鐘室 在長樂宮呂后縛韓信置鐘室中

作室 尙方工作之所

蠻夷邸 在長安城內藁街師古曰若今

橫橋 三輔舊事云秦造橫橋漢承秦制廣六丈三百

八十步置都水令以掌之號爲石柱橋漢末董卓燒之

謂之北首壘石水中故

渭橋 在長安北三里跨渭水爲橋秦始皇造刻石作

力士孟賁等像

霸橋 在長安東跨水作橋漢水送客至此橋折柳贈

別王莽時霸橋災

便門橋 武帝作見上

飲馬橋 在宣平城門外

楊溝 長安御溝謂之楊溝謂植高楊於其上也

長安九市 廟記云長安市有九各方二百六十六步

六市在道西三市在道東凡四里爲一市致九州之人

在突門夾橫橋大道市樓皆重屋又曰旗亭樓在杜門

大道南又有當市樓有令署以察商賈貨財買賣貿易

之事三輔都尉掌之直市在富平津西南二十五里秦

文公造物無二價故以直市為名班固西都賦云九市

開場貨別隨分張衡西京賦云廓開九市通闐帶闐旗

亭五重俯察百隧是也又有柳市漢宮闕疏細柳倉有柳市東市西

市在醴泉坊惠帝紀六年六月起長安西市郡國志長安大俠萬子夏名

章居柳市史記司馬季主卜於東市鼂錯朝服斬於東

市西京雜記漢元始間太學列槐數百行諸生朔望會市各持其土物及經書買賣議論謂之槐市漢書

百官表京兆有長安市令丞馮翊有長安四市長丞

食貨志莽於長安及五都立五均官更名長安東西市

令及洛陽邯鄲臨淄宛城都市長皆為五均司市稱師

東市稱京西市稱畿洛陽稱中餘回都各用東西南北

為稱皆置交易丞五人錢府丞一人

長安八街九陌 有香室街夕陰街尚冠前街三輔舊

事云長安城中八街九陌漢書劉屈氂妻梟首華陽街

京兆尹張敞走馬章臺街陳湯斬郅支王首懸藁街

長安城中閭里 長安閭里一百六十室居櫛比門巷

修直潘岳西征賦尚冠修成黃棘宣明建陽昌陰北煥

南平李善注皆里名漢書萬石君石奮徙家長安戚里

宣帝為曾孫舍長安尚冠里劉向列女傳節女長安大

昌里人也

後漢

光武帝建武十九年修西京宮室

典宮國趙命張禮開闢立西宮殿

晉書載記曰劉曜都長安起光世殿於前紫光殿於後

朱氏槐廬校刊

繕宗廟社稷南北郊立太學於長樂宮東小學於未央宮西。曜命起艷明觀立西宮建凌霄臺於鎬池又將於霸陵西南營壽陵侍中喬豫和苞諫止之省艷水囿以與貧戶

後趙

晉書載記曰石季龍發雍洛秦并州十六萬人城長安未央宮

秦

晉書載記曰苻健僭卽皇帝位於太極前殿置來賓館於平朔門以懷遠人起靈臺於杜門苻堅起明堂繕南北郊

自永嘉之亂庠序無聞堅頗留心儒學王猛整齊風俗政理稱舉學校漸興關隴清宴百姓豐樂自長安至於諸州皆夾路樹槐柳二十里一亭四十里一驛旅行者取給於塗工商貿販於道百姓歌之曰長安大街夾樹楊槐下走朱輪上有鸞棲英彥雲集誨我萌黎

堅置聽訟觀於未央之南

後秦

晉書載記曰姚興起浮圖於永貴里立波若臺於中宮沙門坐禪者恒有千數

後魏

周書薛澄傳曰大統四年宣光清徽殿成澄爲之頌

後周

周書明帝本紀曰二年冬十二月癸亥太廟成

武成二年春三月辛酉重陽閣成

武帝本紀曰武成二年冬十二月改作路門應門

保定三年秋八月丁未改作路寢

天和元年春正月辛巳路寢成幸之令羣成賦古詩京

邑耆老並預會焉頒賜各有差

二年春三月癸酉改武遊園爲道會苑丁亥初立郊邱

壇壝制度

建德元年冬十二月庚寅幸道會苑以上善殿壯麗遂

焚之

六年夏五月己丑詔曰朕欽承丕緒寢興寅畏惡衣菲
食貴昭儉約土棟下宇土階茅屋猶恐居之者逸作之
者勞詎可廣厦高堂肆其嗜欲往者豕臣專任制度有
違正殿別寢事窮壯麗非直雕牆峻宇深戒前王而締
構宏敞有踰清廟不軌不物何以示後兼東夏初平民
未見德率先海內宜自朕始其路寢會義崇信含仁雲
和思齊諸殿農隙之時悉可毀撤雕斲之物並賜貧民
繕造之宜務從卑樸

宣武元年春三月戊辰於蒲州置宮廢同州及長春二

宮

帝身衣布袍寢布被無金寶之飾宮殿華綺者皆撤毀

之改爲土階數尺不施樞樞其雕文刻鏤錦繡纂組一
皆禁斷後宮嬪御不過十餘人

宣帝本紀曰大象二年春三月辛卯行幸同州乙未改
同州宮爲天成宮

帝所居宮殿帷帳皆飾以金玉珠寶光華炫燿極麗窮
奢又以五色土塗所御天德殿各隨方色

隋書高祖本紀曰開皇四年夏六月壬子開渠自渭達

河以通運漕

十三年春二月丙子詔營仁壽宮

十八年冬十二月自京師至仁壽宮置行宮十有二所

舊唐書封倫傳曰楊素將營仁壽宮引倫爲土木監隋
文帝至宮所見制度奢侈大怒曰楊素爲不誠矣殫百
姓之力雕飾離宮爲吾結怨於天下素惶恐慮將獲譴
倫曰公當勿憂待皇后至必有恩詔明日果召素入對
獨孤后勞之曰公知吾夫妻年老無以娛心盛飾此宮
豈非孝順素退問倫曰卿何以知之對曰至尊性儉故
初見而怒然雅聽后言后婦人也惟麗是好后心旣悅
帝慮必移所以知其素歎服曰揣摩之才非吾所及
煬帝本紀曰大業五年春二月己未上御崇德殿之西
院愀然不怡謂左右曰此先帝之所居實用增感情所
未安宜於此院之西別營一殿里一百一十五步南北

地理志曰京兆郡城東西十八里一百一十五步南北
 十五里一百七十五步東西通化春明延興三門南面
 啟夏明德安化三門西面延平金光開遠三門北面光
 化一門里一百六市三煖日滋養之木非吾祖也
 大興縣有長樂宮武官武職人出斯宮或我武心時對
 長安縣有僊都福陽太平等宮有舊長安城舊封劍池
 盤屋縣有宜壽仙遊文山鳳凰等宮以城小盤屋北宮
 鄠縣有甘泉宮皇位至心官恩誠觀日果各素人機
 渭南縣有步壽宮武官武職人出斯宮或我武心時對
 華陰縣有興德宮武官武職人出斯宮或我武心時對
 馮翊郡朝邑縣有長春宮武官武職人出斯宮或我武心時對
 扶風郡雍縣有岐陽宮
 郿縣有安仁宮鳳泉宮
 普潤縣有仁壽宮

壬申之月廿八日板

歷代帝王宅京記卷五終

歷代帝王宅京記卷六

歷代帝王宅京記卷六

歷代帝王宅京記卷六

歷代帝王宅京記卷六

歷代帝王宅京記卷六

歷代帝王宅京記卷六

歷代帝王宅京記卷六

歷代帝王宅京記卷六

歷代帝王宅京記卷六

歷代帝王宅京記卷六

歷代帝王宅京記卷六

歷代帝王宅京記卷六

歷代帝王宅京記卷六 槐廬叢書

太宗崑山顧炎武著 吳縣朱記榮校刊

關中四 吳縣朱記榮校刊

唐 吳縣朱記榮校刊

舊唐書 中間多參用冊府元龜及新唐書更不分別 高祖本紀曰武德元年

夏五月改隋大興殿為太極殿昭陽門為順天門

秋七月庚申詔隋氏離宮游幸之所並廢之

冬十月以武功舊宅為武功宮

五年秋七月甲寅作宏義宮 在宮城外西偏 初秦王居宮中承

乾殿帝以秦王有定天下功特降殊禮別建此宮以居

之 平夏四月日未以始發其殿

六年夏四月己未以故第爲通義宮

冬十一月庚戌以奉義監爲龍躍宮

帝龍潛時莊舍也

武功宅

爲慶善宮

七年夏五月丙戌作仁智宮於宜君縣

宜君縣置於古殿祔城隋屬京

北郡時屬宜州

八年夏四月甲申作太和宮於終南山

長安城南五十里有太和谷太

和宮

冬十月營永安宮改名大明宮以備太上皇清暑

九年夏六月改東宮宏禮嘉福等門爲光宣門

太宗本紀曰貞觀三年夏四月乙亥太上皇徙居宏義

宮更名太安宮甲午上始御太極殿

馬周傳曰周爲監察御史上疏曰臣伏見大安宮在

城之西其牆宇門闕之制方之紫極尙爲卑小臣伏

以皇太子之宅猶處城中大安宮至尊所居更在城

外雖太上皇游心道素志存清儉陛下重違慈旨愛

惜人力而蕃夷朝見及四方觀者有不足瞻仰焉臣

願營築雉堞修起門樓務從高敞以稱萬方之望則

大孝昭乎天下矣

二十年秋七月辛亥宴五品以上於飛霜殿殿在元武

門北因地形高敞層閣三城軒欄相注又引水爲潔淥

池樹白楊槐柳與陰相接以滌炎暑焉

冬十月司空房元齡及將作大匠閻立德大營北闕制

顯道門觀並成
二十一年夏四月乙丑作翠微宮籠山爲苑自初栽至
於設幄九日而罷宮正門北開謂之雲霞門視朝殿名
翠微殿其寢殿名含風殿并爲皇太子構別宮去臺連
延里餘正門西開名金華門內殿名喜安殿

秋七月丙申作玉華宮於宜君縣之鳳凰谷帝手詔曰
朕聞上代無爲簷茅而砌土中季華用檻玉而臺瓊燥
溼之致雖同奢儉之情則異朕承皇王之緒執造化之
綱包萬類於心端圖八紘於目際夷夏一軌區宇大同
每流鑑於前經常披懷而自勸思所以收驕閉逸卷欲
除華而頃年以來憂勞煩結暨至茲歲風疾彌時重以

景熾流金風揚溽暑迴迴幾度旭暮增勞俯仰巖廊寢
興添弊唯冀廓景延涼蕩茲虛憒近因羣下之志南營
翠微本絕丹青之工纒假林泉之勢峰居隘乎蚊睫山
逕險乎焦原雖一己之可娛念百僚之有倦所以載懷
爽塏爰制玉華故遵意於樸厚本無情於壯麗尺版尺
築皆悉折庸寸作寸功故非虛役猶恐遐邇乖聽方輿
怨咨非其樂勞人而竭力好峻宇而雕牆但以養性全
生不獨在私在己怡神祈壽良以爲國爲人比者屢有
征行非無疲頓前歲問罪遼左去秋巡幸靈州今復土
木頻興營繕屢動永言思此深念人勞一則以慙一則
以愧何則匈奴爲患自古弊之十月防秋人血丹於水

脈千里轉戰漢骨皓於塞垣當此之疲人不堪命尙興
未央之役猶起甘泉之功今則曩幙穹廬取爲郡縣天
山瀚海分爲苑池去既往之長勞成將來之永逸譬迴
一年之役創此新宮想志士哲人不以爲言也布告黎
庶明此意焉宮既成正門謂之南風門殿覆瓦餘皆葺
之以茅帝以意在清涼務從儉約匠人以爲層巖峻谷
元覽遐長於是疏泉抗殿包山通苑皇太子所居南風
門之東正門謂之嘉禮門殿名暉和殿其官曹寺署並
皆創立微事營造庶物亦擾市取供而折番和雇之費
以巨萬計億矣及帝行幸敕奉御王者積於顯道門內
起紫微殿十三間文甍重基高敞宏壯帝見之甚悅后

傳徐賢妃上疏諫太宗曰北闕初建南營翠微曾未移
時玉華創制蓋二年之中興此三役貞觀之政於此少
衰

高宗本紀曰永徽二年秋七月癸巳詔廢玉華宮爲佛
寺苑內及諸曹司舊是百姓田宅者並還本主

戊戌改名九成宮爲萬年宮

三年夏四月新殿成移御之日謂侍臣曰朕性不宜熱
所司頻奏請造此殿既作之後深懼人勞今既暑熱朕
居屋下尙有流汗匠人暴露實爲可愍長孫無忌曰聖
心每以恤人爲念臣等不勝幸甚

五年春三月戊午幸萬年宮帝謂太尉長孫無忌曰此
宮非直涼爽宜人且去京不遠朕離此十年屋宇無多

損壞昨者不易一椽一瓦便已可安不知公等得安堵
未曹司廨署周足未乃親制萬年銘并序七百餘字羣
臣請刊石建於永光門詔從之

冬十月癸卯築京師羅郭和雇京兆百姓四萬一千人
板築三十日而罷起觀於九門

顯慶九年夏六月改東宮宏教殿為崇教殿

龍朔二年夏四月辛巳作蓬萊宮正門曰丹鳳正殿曰

含元含元殿之後曰宣政宣政左右有中書門下二省

宏文館史館蓬萊宮即大明宮亦曰東內程大昌曰大

地在龍首山太宗初於其地營永安宮以備太上皇清
暑雖嘗改名大明宮而太上皇仍居大安宮不曾從入
龍朔二年高宗苦風痺惡太極宮卑下故就修
大明宮改為蓬萊宮取殿後蓬萊池以為名

三年春二月賦雍同等十五州民錢減百官以月俸助

作蓬萊宮夏四月丙午蓬萊宮含元殿成上始移居之

更名故宮曰西內故宮謂太極宮自武德以來人
主居之自是以後謂之西內戊申

始御紫宸殿聽政

冊府元龜曰初遣司稼少卿梁孝仁監造悉於庭院

中列白楊樹右驍衛大將軍契苾何力入宮中縱觀孝

仁指白楊曰此木易長不過二三年宮中可得蔭映

何力不答但誦古詩曰白楊多悲風蕭蕭愁殺人孝

仁遽令拔去之更植梧桐新書契苾何力傳
同孝仁作修仁

乾封二年春二月辛丑復以萬年宮為九成宮

咸亨元年春三月丁丑改蓬萊宮為含元宮

四年秋七月庚午九成宮太子新宮成上召五品已上諸親宴太子宫極歡而罷

永淳元年春二月新書在秋七月作萬泉宮於藍田

武后長安元年冬十一月戊寅改含元宮為大明宮

十二月改含元殿為大明殿

中宗神龍元年春二月復改大明殿為含元殿

景龍元年秋八月戊寅改元武門為神武門樓為制勝樓

樓

睿宗景雲元年冬十月以大內宮為太極宮

元宗開元二年秋七月甲寅作興慶宮初則天之世長

安城東隅民王純家井溢浸成大池數十頃號隆慶池

池在隆慶坊南程大昌曰帝王之興若符瑞理固有之然而傳會者多六典所記隆慶坊有井忽湧為小池周袤十數丈常有雲氣或黃龍出其中至景雲間潛復出水其沼浸廣里人悉移居遂鴻洞為龍池然予詳而考之長安志曰龍池在躍龍門南本是平地自垂拱初載後因雨水流潦為小流後又引龍首渠水分溉之日以滋廣至景龍中彌亘數頃深至數丈常有雲龍之祥後因謂之龍池志又曰隋城外東南角有龍首堰自此堰分澆水北流至長樂城分為二渠其西渠自永嘉坊西南流經興慶宮則是興慶能變平地為龍池者實引澆之力也至六典所記則全沒導澆之實乃言初時井溢已乃泉生合二水以成此池專以歸諸變化也

在藩邸與宋王成器等列第於其北望氣者言常鬱鬱有帝王氣中宗乃幸池上結綵為樓宴侍臣泛舟戲象以厭之上即位宋王成器等累表請以舊宅為宮制曰朕昔與兄弟聯居藩邸虔奉聖訓遂膺昌期嘗思鄩杜之游頗有芒碭之氣王等固陳符瑞取則不遠擬備巡

幸推而勿居式遵故事宜依今請於是以舊宅為宮慶
宮謂之南內有皇城中南距京城之東直東內之南自東內達南內有夾城複道經通化門達南內人主往來
兩宮外人仍各賜成器等宅環於宮側
薛王宅在勝業坊二坊皆在興慶宮西甯王即宋王也
睿宗諸子傳曰元宗兄弟聖厯初出門列第於東都
積善坊五人分院同居號五王宅及先天之後興慶是龍潛
賜宅於興慶坊亦號五王宅及先天之後興慶是龍潛
舊邸因以為宮甯王憲於勝業東南角賜宅勝王擢岐
王範於安興坊東南賜宅薛王業於勝業西北角賜宅
賜第相望又於宮西南置樓題其西曰花萼相輝之樓
環於宮側
南曰勤政務本之樓上或登樓聞王奏樂則召升樓同
宴或幸其所居盡歡賞賚優渥帝戒諸王曰奉先帝宮
室不敢有加時時補葺已愧於勞人矣惟興慶創制乃
朝廷百辟卿士以吾舊邸因欲修建不免羣卿考室之

詞即庶民子來之請亦所以表休徵之地新作南樓本
 欲察毗俗來風謠以防壅塞是亦古闢四門達四聰之
 意時有作樂宴會不徒然也今因大哥讓朱邸以成花
 萼相輝之美懸觀自古聖帝明王有所興作欲以助教
 化也吾所冀者式崇敦睦漸漬薄俗令其人信厚耳

十一年冬十月丁酉作溫泉宮於驪山雍錄曰驪山溫

處即皇堂石井後周宇文護所造隋文帝又修屋宇並
植松柏千餘株貞觀十八年詔閣立本營建宮
殿賜名湯泉宮是年更名溫泉宮而改作之

十九年夏六月詔修理兩都街市溝渠橋道

二十四年夏六月廣花萼樓築夾城至芙蓉園是年十

東市東北角道政坊西
北角以廣花萼樓前

二十六六年春正月修望春宮

冬十月詔於西京東都往來之路作行宮千餘間

二十八八年春正月於兩京路及城中苑內種果樹鄭審有奉

使巡檢兩京路種果樹事畢入奏詩

天寶元年冬十月作長生殿名曰集靈臺以祀神

三載冬十二月癸巳置會昌縣於溫泉宮下

六載冬十月改溫泉宮為華清宮十二月壬戌發馮翊

華陰等郡民夫築會昌城置百司王公各置地舍土畝

直千金

七載冬十二月戊戌或言元元皇帝降於朝元閣上於

宮中起老君殿殿之北為朝元閣制改會昌縣曰昭應朝元閣曰降聖

八載夏四月作觀風樓在華清宮

五月作振旅亭在開遠門外

十載夏四月作交泰殿在興慶宮

十二載冬十月和雇京城戶丁一萬三千人築興慶宮

牆起樓觀

肅宗乾元元年春正月改丹殿門為明鳳門安化門為

達禮門安上門為先天門京城及坊門名有安字者悉

改之

代宗廣德元年秋九月築城內六街種植初諸軍使以

時艱歲儉奏耕京城六街之地以供芻至是禁之

永泰二年春正月敕脩國子學祠堂論堂六館院及官

吏所居廳宇用錢四萬貫拆曲江亭子瓦木助之八月成

種城內六街樹禁侵街築垣舍者中朝故事云天街兩

曲江池畔多柳亦號為柳衙以其成行排立也駱賓王詩揚溝連鳳闕槐路擬鴻都舊書吳湊傳云官街樹缺所司植榆以補之湊曰榆非九衢之玩亟命易之以槐及槐陰成而湊卒人指樹而懷之

九月庚申京兆尹黎幹以京城薪炭不給奏開漕渠自

南山谷口入京城至薦福寺東街北抵景風延喜門入

苑闊八尺深一丈集成是日上御安福門以觀之

大厯二年秋七月丁卯魚朝恩奏以先所賜莊為章敬

寺以資章敬太后冥福上母吳后謚章敬仍請以章敬為名復

加興造窮極壯麗以城中材木不足充費乃奏壞曲江

亭館華清宮觀樓及百司行廨將相沒官宅給其用費

逾萬億長安朱雀街東第五街皇城之東第三街昇道坊龍華尼寺南有流水屈曲謂之曲江此地

秦為宜春苑隴州在漢為樂遊園開元疏鑿遂為勝境其南有紫雲樓芙蓉苑其西有杏園慈恩寺江側菰蒲蔥翠柳陰四合碧波紅蕖依映可愛

德宗貞元三年作元英門及觀於大明宮北垣

四年春二月築延喜門北複道屬於永春門

三月築武德東門垣約左藏庫之北屬宮城東垣因廢

武庫以器械隸於軍容使

八年春正月新作元武門及廡會鞠場

十二年秋八月庚午增修望僊門廣夾城十王宅元宗

傳先天之後皇子幼則居內東封年以漸成長乃於安國寺東附苑城同為大宅分院居位十王宅令申官押

之於夾城中起居每日家令進膳又引詞學工書之人
入教謂之侍讀十王謂慶忠棟鄂榮光儀穎永延濟蓋
舉全數其後盛義壽陳豐恒涼六王又就封入內宅二
等十五年鄂光得罪忠繼大統天寶中慶棟又及唯榮議
諸孫成王居院而府幕列於外方特通名起居而已外
亦有十王院百孫院宮人每院四百餘人孫院三四十
人又於宮中置維城庫諸王月俸物約之而給用諸孫
納如嫁女亦就十宅中太子不居於東宮但居於乘輿
所崇仁又別院太子亦分院而居婚嫁則同親王公主在
於禮院

十三年春三月戊子造會慶亭於麟德殿前

夏六月辛巳引龍首渠水自通化門入至太清宮前

秋七月壬辰浚魚藻池

八月丁巳詔曰昆明池俯近都城古之舊制蒲魚所產
實利於人令京兆尹韓皋充使疏浚并修石炭賀蘭二

堰冬十一月工成

十九年春二月丁亥修含元殿

憲宗元和二年夏六月丁巳朔始置百官待漏院於建
福門外故事建福望仙等門皆而閉五更而啟與諸坊
門同時至德中有吐蕃囚自金吾仗亡命因敕晚開門
宰相待漏於太僕寺車坊至是始令有司據班品置院
丙子左神策軍新築夾城別門曰元化建樓曰晨耀
三年冬十月修南內殿及勤政樓明光樓

六年夏五月毀安興門南竹亭

八年秋七月癸酉修興唐觀北距禁城開複道以通行

幸

九年夏六月置禮賓院於長興里北

十二年夏四月築夾城自雲韶門芳林門西至修德里

以通於興福寺又置新市於芳林門南

五月己酉作蓬萊池周迴廊四百間

十三年春二月詔六軍使修麟德殿浚龍首池起承暉

殿裴度傳雕飾綺煥徙佛寺之花木以充焉大明宮東

苑苑中有龍首殿龍首池龍首渠水自城南而注入於此池宋白曰龍首殿在右軍

十四年春正月徙置仗內教坊於延政里

十五年秋七月作永安殿寶慶殿修日華門通乾門

穆宗長慶元年夏五月辛亥於禁中造百尺樓

文宗太和元年夏四月壬寅詔毀昇陽殿東放鴨亭戊

申毀望僊門側看樓十間並敬宗所造也

秋八月癸卯詔毀如京倉以其地歸門下省寶厯未好

廣苑圍門下省馬廐因通入禁中至是還之

二年秋八月修安福樓及兩儀殿甘露殿

九月築昭慶門內西牆

九年春正月辛卯發左右神策軍千五百人浚曲江及

昆明池昆明池見上長安志曰今為民田夫既可以為

安志引水經注曰交水西至石塢武帝穿昆明池所造

有石闔堰在縣西南三十二里則昆明之周三百餘頃

者用此堰之水也昆明基高故其下流尚可壅激以爲

都城之用於是並城疏別三派城內外皆賴之此池仍

在括地志曰豐鎬二水皆已堰入昆明池無復流派括

二月敕都城勝賞之地唯有曲江承平以前亭館接連
近年廢毀思俾葺修已令所司芟諸栽植其諸司如有

力及要創置亭館者給與間地任其營造雍錄唐曲江本秦隴州至

漢為樂遊苑其地最高四望寬敞隋營京城宇文愷以其地在京城東南隅地高不便故闕此地不為居人坊

巷而鑿為池以厭勝之又會黃渠水自城外內故隋世遂從城外包之入城為芙蓉池且為芙蓉園也漢武帝時池周回六里餘唐周七里占地二十頃又

加展拓矣其地在城東南昇道坊龍華寺之南

秋七月毀銀臺門起修三門樓詔發左右軍二千人填

龍首池以為鞠場庚戌建紫雲樓於曲江

九月帝幸右銀臺門觀工發左右神策軍一千五百人

浚曲江及昆明池

十月乙亥丙出曲江新造紫雲樓彩霞亭額左軍中尉

仇士良以鼓吹迎於銀臺門

鄭注傳曰注言秦中有災宜興工役以禳之文宗能

詩常吟杜甫江頭篇云江頭宮殿數千門細柳新蒲

為誰綠始知天寶以前曲江四岸有樓臺行宮廨署

心竊慕之既得注言即命左右神策軍差人淘曲江

昆明二池仍許公卿士大夫之家於江頭立亭館以

時追賞通鑑十二月甲申敕罷修曲江亭館

武宗會昌元年春三月建靈符應聖院龍首池

三年夏五月築望仙館於禁中

五年春正月己酉朔敕造望仙臺於南郊壇

夏六月神策奏修望仙樓及廊舍五百三十九間功畢

宣宗大中元年春二月修百福殿院
秋八月神策軍奏修百福殿成名其殿曰雍和殿樓曰
親親樓凡廊舍屋宇七百間以會諸王子孫

二年春正月神策軍修左銀臺門樓屋宇及南面城牆
至睿武樓

五年修明儀樓

僖宗光啟三年六月丙辰太常禮院奏太廟十一室并
祧廟入室孝明太后等別廟三室自車駕再幸山南並
經焚毀神主失墜今大駕還京宜先葺宗廟神主然後
還宮遂詔修奉太廟使宰相鄭延昌修奉是時宮室未
完國力方困未暇舉行舊制延昌請權以少府監大廳

為太廟太廟凡十一室三十三間二十一架今監五間
請添造成十一間以備十一室之數敕曰敬依典禮

新唐書地理志曰上都初曰京師天寶元年曰西京

開元元年十二月三日改為京兆府至德二載曰中京十二月十五日上元二年

復曰西京九月十一日肅宗元年曰上都建卯月一日

皇城長千九百一十五步廣千二百步宮城在北長千
四百四十步廣九百六十步周四千六百六十步其崇

三丈有半龍朔後皇帝常居大明宮乃謂之西內神龍
元年曰太極宮大明宮在禁苑東南西接宮城之東北

隅長千八百步廣千八百步曰東內本永安宮貞觀八
年置九年曰大明宮以備太上皇清暑百官獻貲以助

歷代帝王宮室記卷六
三
役高宗以風痺厭西內湫溼龍朔三年始大興葺曰蓬萊宮咸亨元年曰含元宮長安元年復曰大明宮興慶宮在皇城東南距京城之東開元初置至十四年又增廣之謂之南內二十年築夾城入芙蓉園京城前直子午谷後枕龍首山左臨灊岸右抵灋水其長六千六百六十五步廣五千五百七十五步周二萬四千一百二十步其崇丈有八尺

京兆府

萬年縣有南望春宮臨灋水西岸有北望春宮宮東有廣運潭舊唐書韋堅傳曰天寶元年擢爲陝郡太守水陸轉運使自西漢及隋有運渠自關門西抵長

安以通山東租賦堅奏請於咸陽壅渭水作興成堰截灊灋水傍渭東注至關西永豐倉下與渭合於長安城東九里長樂坡下灋水之上架苑牆東面有望春樓樓下穿潭以通舟楫三年而成堅預於東京汴宋取小斛底船二三百隻置於潭側其船皆署牌表之樓下連檣彌亘數里觀者山積堅跪上諸郡輕貨又上百牙盤食元宗歡悅賜名廣運潭

長安縣有大安宮本宏義後更名南五十里太和谷有太和宮武德八年置貞觀十年廢二十一年復置曰翠微宮籠山爲苑元和中以爲翠微寺天寶二年尹韓朝宗引渭水入金光門置潭於西市以貯材木

大厯元年尹黎幹自南山開漕渠抵景風延喜門入苑以漕炭薪

咸陽縣有望賢宮

興平縣西八十里有隋仙林宮

渭南縣西十里有遊龍宮開元二十五年更置東十五里有隋崇業宮

昭應縣有宮在驪山下貞觀十八年置咸亨二年始名溫泉宮天寶六載更名華清宮池湯井為池環山列宮室又築羅城置百司及十七

高陵縣西四十里有龍躍宮武德六年高祖以舊第置德宗以為修真觀

藍田縣永清元年作萬全宮宏道元年廢

鄠縣東南三十里有隋太平宮西南二十二里有隋

甘泉宮武功縣有慶善宮臨渭水武德元年高祖以

舊第置宮後廢為慈德寺

華原縣有永安宮長安二年置有蒲萄園宮

華州

鄭縣東北三里有神臺宮本隋普德宮咸亨二年更

名

華陰縣西十八里有瓊岳宮故隋華陰宮顯慶三年

更名東十三里有隋金城宮武德三年廢顯慶三年

復置

同州

馮翊縣南三十二里有興德宮在志武里高祖將趨
長安所次十八里有興德宮武德三年
朝邑縣有長春宮

鳳翔府

麟遊縣西王里有九成宮本隋仁壽宮義甯元年廢

貞觀五年復置更名永徽二年曰萬年宮乾封二年
復曰九成宮周垣千八百步并置禁苑及府庫官寺
等又西三十里有永安宮貞觀八年置

整屋縣有司竹園東南三十二里有隋宜壽宮有樓

觀老子祠

坊州

宜君縣有仁智宮北四里鳳凰谷有玉華宮永徽二
年廢為玉華寺

唐六典曰京城左河華右隴坻前終南後九變南面

三門中曰明德左曰啟夏右曰安化東面三門中曰

春明北曰通化南曰延興西面三門中曰金光北曰

開遠南曰延平今京城隋文帝開皇二年六月詔左

北據渭水東臨澹川西次灃水太子左世子宇文愷

創制規謀將作大匠劉龍工部尚書賀婁子幹太府

少卿高龍又並充檢校至三年三月移入新都焉名

曰大興城東西十八里一丈八尺皇城之南東西十坊

南北九坊皇城之東西各一十二坊兩市居四方之
地凡一百一十坊開元十四皇城在京城之中東西
年又取東面兩坊為興慶宮

一百一十五步南城北三里南面三門中曰朱雀左曰
 安上右曰含光朱雀門正南當明德門正北當承天
 門東面二門北曰延喜南曰景風延喜門則承天門
 門西面二門北曰安福南曰順義安福門西直通化
 宗廟在安上門右社稷在舍光門百僚解署列乎其
 間凡省六寺九臺一監四衛十有八六省謂尚書中
 中內侍省九寺謂太常宗正司農太府鴻臚衛尉光
 祿太僕大理寺一臺謂御史臺四監謂少府將作國
 子都水監十八衛謂左右衛左右衛左右金吾衛左右
 左右武衛左右羽衛左右領軍衛左右領軍衛左右領
 千牛衛左右羽衛左右領軍衛左右領軍衛左右領軍
 在宮城之內國子監在皇城之南左右金吾衛左右
 城之東西左右羽衛左右領軍衛左右領軍衛左右領
 軍在元武門之北東宮官屬凡府一坊三寺三率
 府十家一府謂詹事府三坊謂左右春坊內坊三寺謂

道率府左右司禦率府左宮城在皇城之北南面三
 右內率府左右監門率府
 門中曰承天東曰長樂西曰永安承天門隋開皇二
 仁壽元年改曰昭陽門武德元年改曰順天門神龍
 元年改曰承天門舊唐書五行志曰隋文時自長
 安故城東南移於唐興村置新都今西內承天門正
 當唐興村門有大槐樹柯枝森鬱即村門樹也有司
 以行列不正將去之太宗曰若元正冬至大陳設燕
 高祖常坐此樹下不可去也
 會放過宥罪除舊布新受萬國之朝貢四夷之賓客
 則御承天門以聽政蓋古之其北曰太極門其內曰
 大極殿朔望則坐而視朝焉蓋古之中朝也隋曰大
 虔福門貞觀八年改曰太極門武德元年改曰太極
 殿有東上西上二閣門東西廊左延明右延明二門
 次北曰朱明門左曰虔化門右曰肅章門肅章之西
 曰暉政門虔化之東曰武德西門其內有武德殿又北

曰兩儀門其內曰兩儀殿常日聽朝而視事焉蓋古朝也隋日中華殿貞觀五年改為兩儀殿承天門之內東日長樂門北入恭禮門又北入虔化門則宮內也承天門之西日廣運門永安門北入兩儀殿之東日安仁門又北入肅章門則宮內也萬春殿西日千秋殿兩儀之左日獻春門右日宜秋門宜秋之右日百福門其內日百福殿百福殿之西日承慶門內日承慶殿獻春之左日立政門其內日立政殿立政之東日大吉門其內日大吉殿兩儀之北日甘露門其內殿甘露日左日神龍門其內日神龍殿右日安仁門其內日安仁殿又有興仁宣猷崇正禮宣光通福光昭嘉猷華光暉儀壽安綏福等門薰風就日翔鳳威池臨昭望仙鶴羽乘龍等殿凌煙等閣大明宮在禁苑之東南西接宮城之東北隅龍

二年高宗以大內南面五門正南日丹鳳門東日望卑溼乃於此置宮南面五門正南日丹鳳門東日望僊門次日延政門西日建福門次日興安門南當皇城之啟夏門舊京城入苑之北門開皇三年開餘四門並與宮同置丹鳳門內正殿日含元殿殿即龍首山之東趾也階上高餘平地四十餘尺南去丹鳳門四百餘步東西廣五百步今元正冬至於夾殿兩閣左日翔鸞閣右日棲鳳閣與殿此聽朝也夾殿兩閣左日翔鸞閣右日棲鳳閣與殿相接夾殿東有通乾門西有觀象門閣下即朝堂脚石登聞鼓如承天之制其北日宣政門門外東廊日齊德門西廊日興禮門內日宣政殿殿前東廊日日華門門東門下省省東南南北街南直舍輝門出昭訓門宣政殿前西廊日月華門門西中書省省西南北街南直昭慶門出光範門宣政之左日東上閣右日西上閣次西日延英門其內之左日

延英殿右曰含象殿宣政北曰紫宸門其內曰紫宸

殿即南朝正殿也殿之南面紫宸門左曰崇明門右曰光順

門殿之東曰左銀臺門西曰右銀臺門次北曰九仙

門殿之北面曰元武門左曰銀漢門右曰青霄門其

又有麟德凝霜承歡長安仙居拾翠碧羽金鸞蓬萊

含涼珠境三清含香水香紫蘭亭殿元武明儀大角

等觀鬱儀結璘承興慶宮在皇城之東南東距外郭

雲修文等閣也城東垣即今上龍潛舊宅也開元初以為離宮至十

城東垣四年又取永嘉勝業坊之半以置朝自大明

宮東夾羅城復道經宮之西曰興慶門其內曰興慶

通化門磴道潛通焉殿即正衙殿次南曰金明門門內之北曰大同門其

內曰大同殿宮之南曰通陽門北入曰明光門其內

曰龍堂通陽之西曰花萼樓樓西即甯王第故取詩

人棠棣之義以名樓焉

樓西曰明義門其內曰長慶殿宮之北曰躍龍門其

內左曰芳苑門右曰麗苑門南走龍池曰瀛洲門內

曰南薰殿瀛洲之左曰仙雲門北曰新射殿又有同

初陽飛軒玉華等門飛仙交泰同光榮光等殿初上

居此第其里名協聖諱所居宅之東有舊井忽湧為

小池周袤纜數尺常有雲氣或見黃龍出其中至景

龍中潛復出水其沼浸廣時即連合為一未半歲而

龍中人悉移居遂鴻洞為禁苑在大內宮城之北北

臨渭水東距澹川西盡故都城其周一百禽獸蔬果

莫不毓焉若祠禴蒸嘗四時之薦蠻夷戎狄九賓之

享則蒐狩以為儲供焉

冊府元龜曰後梁太祖開平元年夏四月戊辰廢西京

五代

以京兆府為大安府置佑國軍
三年秋七月庚午改佑國軍為永平軍

後唐莊宗同光元年冬十一月辛酉復以永平軍大安府為西京京兆府

二年八月壬午西京奏重修華清宮溫湯屋宇

後晉高祖天福三年冬十月丙辰廢西京為晉昌軍

後漢高祖乾祐元年春三月改晉昌軍為永興軍

舊唐書地理志苑城東西二十七里南北三十里東

至瀟水西連故長安城南連京城北枕渭水苑內離

宮亭觀二十四所漢長安故城東西十三里亦隸入

苑中苑置四面監總監以掌種植

以下係在唐末五代前

康駢劇談錄曰含元殿國初建造鑿龍首岡以為基

趾形輝鉤砌高五十餘尺左右立棲鳳翔鸞二闕龍

尾道出於闕前倚欄下瞰前山如在諸掌殿去五門

二里每元朔朝會禁軍與御仗宿於殿庭金甲葆戈

雜以綺繡羅列文武纓珮序立蕃夷酋長仰觀玉座

若在霄漢

又曰曲江池本秦世障州開元中疏鑿遂為勝境其

南有紫雲樓芙蓉苑其南有杏園慈恩寺花卉環周

烟水明媚都人遊翫盛於中和上巳之節絲幄翠幃

匝於堤岸鮮車健馬比肩擊轂上巳即賜宴臣僚京

兆府大陳筵席長安萬年兩縣以雄盛相較錦繡珍

玩無所不施百辟會於山亭恩賜太常及教坊聲樂
池中備綵舟數隻唯宰相三使北省官與翰林學士
登焉每歲傾動皇州以爲盛入夏則菰蒲葱翠柳陰
四合碧波紅蕖湛然可愛
宋史宋庠傳論唐入閣儀曰入閣乃唐隻日於紫宸
殿受常朝之儀也唐有大內又有大明宮宮在大內
之東北世謂之東內高宗以後天子多在大明宮宮
之正南門曰丹鳳門門內第一殿曰含元殿大朝會
則御之第二殿曰宣政殿謂之正衙朔望大冊拜則
御之第三殿曰紫宸殿謂之上閣亦曰內衙隻日常
朝則御之天子坐朝須立仗於正衙殿或乘輿止御

紫宸卽喚仗自宣政殿兩門入是謂東西上閣門也
又按唐自中葉以還雙日及非時大臣奏事別開延
英殿若今假日御崇政延和是也乃知唐制每遇坐
朝日卽爲入閣其後正衙立仗因而遂廢甚非禮也

歷代帝王年記卷六

漢高祖五年春正月...
 漢高祖六年春正月...
 漢高祖七年春正月...
 漢高祖八年春正月...
 漢高祖九年春正月...
 漢高祖十年春正月...
 漢高祖十一年春正月...
 漢高祖十二年春正月...
 漢高祖十三年春正月...
 漢高祖十四年春正月...
 漢高祖十五年春正月...
 漢高祖十六年春正月...
 漢高祖十七年春正月...
 漢高祖十八年春正月...
 漢高祖十九年春正月...
 漢高祖二十年春正月...
 漢高祖二十一年春正月...
 漢高祖二十二年春正月...
 漢高祖二十三年春正月...
 漢高祖二十四年春正月...
 漢高祖二十五年春正月...
 漢高祖二十六年春正月...
 漢高祖二十七年春正月...
 漢高祖二十八年春正月...
 漢高祖二十九年春正月...
 漢高祖三十年春正月...
 漢高祖三十一年春正月...
 漢高祖三十二年春正月...
 漢高祖三十三年春正月...
 漢高祖三十四年春正月...
 漢高祖三十五年春正月...
 漢高祖三十六年春正月...
 漢高祖三十七年春正月...
 漢高祖三十八年春正月...
 漢高祖三十九年春正月...
 漢高祖四十年春正月...
 漢高祖四十一年春正月...
 漢高祖四十二年春正月...
 漢高祖四十三年春正月...
 漢高祖四十四年春正月...
 漢高祖四十五年春正月...
 漢高祖四十六年春正月...
 漢高祖四十七年春正月...
 漢高祖四十八年春正月...
 漢高祖四十九年春正月...
 漢高祖五十年春正月...
 漢高祖五十一年春正月...
 漢高祖五十二年春正月...
 漢高祖五十三年春正月...
 漢高祖五十四年春正月...
 漢高祖五十五年春正月...
 漢高祖五十六年春正月...
 漢高祖五十七年春正月...
 漢高祖五十八年春正月...
 漢高祖五十九年春正月...
 漢高祖六十年春正月...
 漢高祖六十一年春正月...
 漢高祖六十二年春正月...
 漢高祖六十三年春正月...
 漢高祖六十四年春正月...
 漢高祖六十五年春正月...
 漢高祖六十六年春正月...
 漢高祖六十七年春正月...
 漢高祖六十八年春正月...
 漢高祖六十九年春正月...
 漢高祖七十年春正月...
 漢高祖七十一年春正月...
 漢高祖七十二年春正月...
 漢高祖七十三年春正月...
 漢高祖七十四年春正月...
 漢高祖七十五年春正月...
 漢高祖七十六年春正月...
 漢高祖七十七年春正月...
 漢高祖七十八年春正月...
 漢高祖七十九年春正月...
 漢高祖八十年春正月...
 漢高祖八十一年春正月...
 漢高祖八十二年春正月...
 漢高祖八十三年春正月...
 漢高祖八十四年春正月...
 漢高祖八十五年春正月...
 漢高祖八十六年春正月...
 漢高祖八十七年春正月...
 漢高祖八十八年春正月...
 漢高祖八十九年春正月...
 漢高祖九十年春正月...
 漢高祖九十一年春正月...
 漢高祖九十二年春正月...
 漢高祖九十三年春正月...
 漢高祖九十四年春正月...
 漢高祖九十五年春正月...
 漢高祖九十六年春正月...
 漢高祖九十七年春正月...
 漢高祖九十八年春正月...
 漢高祖九十九年春正月...
 漢高祖一百年春正月...



書